

六曹部

戶部尚書 戶部侍郎 戶部郎中

戶部員外郎 禮部尚書 禮部侍郎 禮部員外郎

兵部尚書 兵部侍郎 兵部郎中 兵部員外郎

刑部尚書 刑部侍郎 刑部郎中 刑部員外郎

工部尚書 工部侍郎 工部郎中 工部員外郎

樞密院部 樞密院 行樞密院 樞密使

樞密副使 簽書 合簽書 都使 舊都承旨

詩文新集

1703  
162/60  
40









東京專刊  
學校圖書

利  
268  
45

新編古今事文類聚新集卷之十二

南江 富大用 時可 編

金陵 唐富春 子和 刊

六曹部

戶部尚書

歷代沿革戶部尚書周之地官卿也漢置尚書郎四人其一入主財帛委輸成帝置尚書五人其三曰民曹主入吏上尚書事後漢以民曹主繕脩功作當工官之任吳有戶部魏文帝置度支尚書等專掌軍國支計又置左民尚書晉初省別有度支皆主筭也惠帝時有右民尚書梁陳置左戶尚書並掌戶籍知工官之事後魏北齊有度支尚書後周置地官府太

事文類聚新集 卷之十二 戶部尚書



司徒卿隋初有度支尚書則并後周民部之職開皇三年改  
 度支為民部唐因之貞觀改為戶部龍朔改為司元太常伯  
 光宅改地官尚書神龍復為戶部宋初除安壽為戶部尚書  
 元祐元年門下侍郎司馬光欲令戶部尚書兼領左右曹而  
 舊三司財用事有在五曹寺監者並歸戶部則利權歸一詔  
 尚書省立法左右曹錢穀尚書兼總使周知其數量入為出  
 而制國用元仍唐宋舊置戶部掌民籍貢賦官吏俸祿府庫  
 倉廩歲計支用權衡度量法式坑冶錢幣寶貨恩賜之事置  
 令史分掌名頭尚書為之長

羣書要語二曰地官其屬六十掌邦教周禮司民掌登萬民之  
 數自生齒以上皆書于版太司徒之職掌建邦土地之圖與

其人民之數以佐王安援邦國以天下土地之圖周知九州之  
 地域廣輪之數而辯其邦國都鄙之數制其畿疆而溝封之  
 以會土之法辨五地之物生因此五物者民之常而施十有二  
 教焉同上司會主天下之大計計官之長若今尚書周禮注太  
 司徒齊戒受質以百官之成質於天子記王制司徒脩六禮以  
 節民性明七教以興民德齊入政以防淫道德以同俗同上  
 帝曰契汝作司徒敬敷五教在寬書舜典農父若保司徒  
 掌邦教敷五典擾兆民周官穆王命君牙為周太司徒弘敷五  
 典式和民則君牙鄭武公父子並為周司徒善於其職詩緇衣  
 序祝鳩氏司徒也左傳地官理財能制於輕重唐太詔令崔羣  
 制掌司徒之邦教制民曹之地征綜事帥屬居其要會幹時通



牙如可典領常集制昔元凱之處斯職法司施行者五十餘條以資當時之急同上虞書五教實委司徒之班周禮六卿爰開地官之位莫不織成都邑編緝氓黎設九土之網維成四方之管轄班固申大牙之制疆場綺分應璩論馬齒之規并由鱗次戶標九等俱陳萬國之圖人有十倫並掛三年之籍張鷟集注西都賦曰疆場綺分又云原隰龍鱗之次應璩詩曰九州相錯雜相次如馬齒九等攸辯百姓以親唐制戶部之於中臺為周司徒之職南豐擬制民曹上卿同上序首曹於左輔歲奉類宜參司會之職以裨經費之方同上紫極八座非德莫居丹屏六曹惟賢是擇唐授李承嘉戶部尚書制亦總地卿掌會計而經國紀綱式敘征賦益饒崔鉉制及領地官且司邦賦會計事

劇出納孔殷投利刃而皆虛委焚絲而必理裴垣制

古今事實

明公展足

景雲中盧從愿為吏部侍郎杜暹注鄭縣尉後為戶部尚書盧自益州長史入朝杜立於上乃曰選人定何如盧曰亦由僕藻鑑遂使明公展千里足

內相預政

王琚佐明皇平內難為戶部尚書帝於琚眷委特異預大政事號內宰相並本傳

拜官令早

蔡景歷拜度支尚書舊式拜官在日午後景歷拜日適逢輿駕



幸武觀在位皆侍宴帝恐景歷不預特令早拜其見重如此

歲遷自擇

唐高宗以竇德玄舊臣自殿中少監為御史大夫歲中遷司元

太常伯又任十餘人皆帝自擇會要

在內七年

晉杜預在內七年損益萬機不可勝數朝野稱之

主計八年

唐王紹進戶部尚書眷待甚厚主計凡八年政事多咨訪紹亦

未嘗一言漏於人唐記

兄省詐入

劉洽為御史中丞漑為左民尚書舊中丞不得入尚書下舍洽

引服親不應有礙刺省評決乃詐入漑省亦以兄弟素篤不能相別也

從兄同榮

唐鄭善果為民部尚書制與裴寂等十人每奏事及侍立並令升殿與從兄元璿在其數時以為榮分紀

張華王佐

張華為度支尚書有王佐之才

杜預武庫

杜預為度支尚書號杜武庫言無所不有並本傳

祿給白衣

梁何胤為左民尚書後辭官隱于若耶山雲門寺勅給白衣尚



書祿胤固辭

歸讓版使

韋煥辭判戶部歸謂甥姪曰已讓版使矣

佳話錄

清儉不改

晉吳隱之為度支尚書以竹蓬為屏風坐無氈席後遷中領軍清儉不改每月所得祿總留身糧餘悉分賑親族

本傳

清白自脩

劉旣為左民尚書旣美風儀善容止所至以清白自脩性又率儉不好聲色

梁書

鄭有善績

唐鄭善果檢校大理卿兼民部尚書止身奉法甚有善績

崔有風望

崔從字子又為戶部尚書為人嚴偉立朝稜稜有風望

本傳

掌計何憂

魏文帝置度支尚書專掌軍國支計朝議以征討未息動須節量及明帝嗣位欲用安平王孚問左右曰有兄風否答曰似兄帝曰吾得司馬懿一人復何憂轉度支尚書

晉安平王孚傳

備物置用

杜預為度支尚書內以利入外以救邊備物置用濟當時之益者五十餘條

儲義倉粟

長孫平開皇二年為度支尚書見天下州縣多罹水旱百姓不



給奏令民間每秋家出粟麥一石以下貧富為差等儲之間里以備凶年名曰義倉隋書

掌戶口政

唐戶部尚書掌天下戶口井田之政令凡徭賦職貢之方經費調給之筭藏貨贏儲之數悉以咨之六典

改授刺史

唐太宗幸翠微宮授司農卿李緯民部尚書房元齡時在京城畱守會有自京師來者太宗問曰元齡聞李緯拜尚書如何對曰但云李緯好鬚更無他語太宗遽改授緯潞州刺史

少息貧吏

宋朝李常字公擇號山房為戶部尚書常文士少吏幹或疑不

勝任以問司馬光光曰使此人掌邦計則天下知朝廷非急於征利貧吏望風措克之患庶幾少息長編

作會稽錄

李常為戶部尚書作元祐會稽錄三十卷本傳

置裁省局

韓忠彥字師朴謚文定召為戶部尚書時元祐會稽錄初成入狹而用廣忠彥憂之因言欲節財用遂裁省冗費置局於戶部本傳

古今文集

雜著

讓地官尚書表

李嶠



無涯之恩。忽降霄極。非據之暢。坐驚魂宇。某中謝臣少無奇志。長乏異能。短步非疾。於驂駟。翾飛自同於燕雀。逢聖神之再造。屬天地之兼容。鄭璞齊竿。竊混聲價。秦冠漢綬。叨踐名級。步駕池之清切。陟鸞渚之便蕃。出入五臺。周旋三閣。行膺負重之任。遂服專車之寵。萬機損益。蔽於庸陋之心。百揆謏猷。滯於膏肓之疾。爰發皇揆。特留宸眷。假優閑之秩。雖入杏壇。參翊亮之謀。尚和梅鼎。徒延丹楫之譽。竟微股肱之效。挈瓶之智。患在於空。虛瞰室之災。懼深於盈滿。方陳骸骨之請。遽荷雲霄之命。負乘之責。前謫未除。忝越之譏。後恩仍及。還振蜉蝣之羽。欲參龍鳳之行。赤紱妨賢。物知不可。素歿得位。臣亦胡顏。况八座樞機。五曹要劇。上儀七星之象。旁理萬邦之教。自非元凱之明。允忠肅。

陳韓之敦璞。淳深將何以釐。正版圖。擾安邦國。臣之淺狹。誠則貪叨。朝有典章。敢叨非望。伏乞回乾坤之曲澤。收雨露之殊私。廣訪訃謨。詳求棧樸。更引食場之彥。俾臨均土之司。則受任得材。無慙振鷺之美。官方有序。不失貫魚之次。

辭免除權戶部尚書狀

真德秀

文昌在從列。為最高。版曹於國計。為甚重。自仲由之才。聖門僅許。以治千乘之賦。况如臣之不肖。而使攝太司徒之職。治天下之賦。其為不稱。亦已明矣。伏念臣曩負罪愆。眾所指目。保全覆燾。盡出聖君居間。數歲而予之祠。奉祠踰年。而畀之郡。甫及下考。遽帥全閩。感激恩光。磨礪朽鈍。每思興悠久之利。不敢徇苟且之謀。私願朝廷假以歲月。庶幾斯人受一分之賜。少寬九重。



不忘遠之憂區區寸忱可以對越實無一念別觀寵榮豈圖到  
官俶爾四月絲綸之命忽降自天仰惟陛下更化以來大明黜  
陟英髦濟濟聚在闕庭臣於是豈不願親近日月之光造跡鴻  
鴻之列而自量蹇劣莫副選掄冒昧而前必致顛踣伏望聖慈  
俯照忱悃收回渙汗用穆師言

再辭免戶部尚書狀

真德秀

需童有請渙汗未回讀溫詔之下寧重微衷之感激伏念臣雖  
乏通明之識粗知去就之宜昔政在私門固合進難而退易今  
權歸公室所當朝召而暮行矧惟去國之十年常切愛君之  
念每愁無路可輸畎畝之忠詎意逢辰重瞻天日之表身未離  
於閭嶠心已驚於闕庭蓋即敬承敢云固避惟是天臺高選地

官處曹位在納言難踵夔門之武職專治賦媿士晏美之才僭  
瀆睿聰蕙還宸渥或改司於閒局或仍綴於舊班庶幾上無濫  
予之嫌器名增重下免僥逾之媿庶耻獲全

謝除戶部尚書表

真德秀

十連竊寵媿藩閩之罔功一札遄歸叨地官之進長班躡陪於  
踐斗懼深重於履冰中謝伏念臣素守朴忠濫膺迪簡曩被初  
元之召首躋通服之榮自退屏於山林寢迷違於軒陛憂時之  
髮益白悵去國之十年戀闕之心為丹敢忘君於一飯屬蒙起  
廢再玷承流皂蓋分符甞復既還於舊物青真授鉞綉行仍忝  
於故鄉曾坐席之未溫忽賜環之已及方躬攬宏開於公道而  
彙征必萃於群賢敢圖孤跡之漂流亦辱清朝之記錄且民部



周司徒之職豈惟稽戶口於版圖顧尚書古納言之官蓋實專  
喉舌之樞要誤拜演綸之澤冒陞曳履之華退省駑駘之  
負茲益恭遇皇帝陛下乾剛天健蓄懿日新親庶政以厲精大  
明黜陟臨百官而昭德洞察忠邪念臣嘗參紫橐之聯知臣粗  
厲素絲之節輟還近綴俾待清光臣敢不期稱隆私勉堅初志  
生財有道雖漸源流本末之知事君勿欺願竭獻納論思之報

辭免戶部尚書狀

孫覲

竊以羣胡南牧大駕東巡奸雄奮臂而呼將士倒戈而至千官  
逃散萬室驚奔芻糧委於煨燼之餘金繒捐於寇盜之手理兩  
朝衰亂之緒仰繫上智之明振一時之絕之憂當重計臣之選  
客有司之出納制萬民之低昂孰能披軼於肯綮之間多多益

辯是宜審聽於音聲之際一而吹選任或非其人誤國莫大  
於此如臣者本以簿書刀筆備藩宣之寄又以文章言語參侍  
從之華忽被詔除俾承人之乏今廊廟禦戎之急惟兵民足食之  
先宜得命世經綸之才安用老生陳腐之說智有所不及甚虞  
操刀製錦之傷猶有所不為何預越俎代庖之事

戶部侍郎

歷代沿革 隋煬帝始置民部侍郎唐因之後改為戶部龍朔二  
年改為司元少常伯咸亨元年復為戶部侍郎宋戶部之職  
皆歸三司元豐官制行戶部始總邦計置侍郎二員左曹五  
案 戶口案稅賦案農田案檢法案知雜案 右曹五案 常平案  
免役案坊場案檢法案知雜案 左曹除陳安石右曹除李定



紹興四年七月詔戶部侍郎二員通治左右曹職事以權束部侍郎劉岑有請故有是命元仍唐宋舊置戶部侍郎

羣書要語小司徒之職掌建邦之教法周禮地官之職邦教是

先必選國華以從人望韓退之除崔羣制下制民產上經國用

地官之貳實系綱焉南豐擬制往副民部孰知汝宜同上俾系

版曹之繁初寮制君牙之貳歲表類地卿之貳爰委典司理財

先示於簡庶利物每懲其聚歛唐太詔令李絳周有地官小司

徒佐敷五教魏置度支尚書以濟軍國之用政有奈地然後庶

乏常集授戶部侍專判度支制善其職者為登天任中茲選者

莫匪正人白集

古今事實

秩正貳卿

韋表微為中書舍人俄拜戶部侍郎職如故時自長慶寶曆國  
家比多變故凡在翰林例無滿歲由是表微自監察六七年間  
秩正貳卿備承恩渥盛于一時

進為宰相

唐戶部侍郎有二員判使按者別一署謂之左戶元和後選舉  
羣重宰相多由此進崔羣既相孟簡代之大典  
四十位郎

晉潘孟陽為戶部侍郎年未四十其母謂曰以爾之才而位丞  
郎使吾憂之

三歷侍郎



李元紘歷工兵吏三侍郎上令宰臣及公卿以下精擇堪為戶部者多有薦元紘者乃拜戶部侍郎元紘因條奏人間利害及時議得失以奏之上大悅因賜衣一副本傳

議戶版利病

楊瑒為戶侍郎帝召大臣議戶版瑒言利病甚詳帝咨賞

敘歷代戶口

唐太宗問盧承慶歷代戶口多少之數承慶敘夏已後迄周隋皆有依據

獨無進獻

李絳為戶侍郎憲宗問曰戶部比有進獻至卿獨無何也絳曰將戶部錢進入內藏是用官物以求結私恩上嘉其直

不受納賂

唐牛僧孺拜戶部侍郎初韓弘入朝父子俱卒諸孤幼小穆宗命使閱其宅簿以付家老而簿上具納賂之所唯於僧孺官側朱書曰某月日送牛侍郎物若干不受穆宗按簿甚悅居無何議命相帝首可僧孺之名

計析秋毫

張平叔國之材臣也計能析秋毫更畏如夏白司會逾月細條甚張况師旅未息調食方急倚成取濟非爾而誰白君易除張平叔戶部制

詔視財賦

潘孟陽權知戶部侍郎詔馳驛江淮視財賦孟陽持氣豪倨所至招金錢多補吏譽望大喪並唐書



開河疏諫

宋元祐五年主議者執開河減水之策戶部侍郎蘇轍上疏諫曰臣為戶曹右曹云戶部休戚計在此河若復緘默誰當言者惟斷在聖心盡罷其議

例外執奏

宋柳約字元禮權戶部侍郎感激奮厲悉力盡言凡例外宣索皆執奏以進周益公集

財用非長

王彥威開成初為戶部判度支彥威於儒該遠亦善吏事但經總財用出入米鹽非所長也

伏獵誤讀

蕭吳不知書嘗與嚴挺之稱伏獵為伏獵挺之曰省中豈容有伏獵侍郎乎乃出之本傳

自稱老奴

唐張平叔為戶部侍郎險太言因王播以進既掌財用常屈公利以便私嬖倖多狎之既有寵於上進退便僻雜以優讚或自稱老奴無復大臣之體

玩狎郎吏

嘗奏事畢降階復升上每笑容之在班列玩狎郎吏譁肆無忌權鹽法請宰相為之使因自求樞機之任同上

古今文集

雜著

蘇文貞公集

卷之二十一

十一



太常少卿趙瞻可戶部侍郎誥

蘇軾

理財正辭禁民為非曰義先王之論理財也必繼之以正辭名  
正而言順則財可得而理民可得而正自頃功利之臣言政而  
不及化言利而不及義中外紛然朕益厭之具官趙瞻明於吏  
事輔以經術忠義之節白首不衰爰自秩宗擢貳邦計將使四  
方之人知予以耆老舊德居此官者蓋有益徹之意焉

謝除戶部侍郎表

蘇子由

掖垣清閑奉鈔槩以媿安民部劇煩以全穀而為職事非素學  
命不獲辭伏念臣起於南裔曾未再募擢在近班訖無少補開  
口論事適宸心延納之初引筆代言非書命縱橫之際竊祿而  
已功何足云計日以言時亦未幾方自憂於汰去豈復意於超

升此蓋伏遇太皇太后陛下仁聖無為靜深照物坐閱工師之  
衆灼知情偽之端察臣朴愚憐臣孤遠才雖未能以應務性則  
不喜於為邪試之劇曹真其來效然臣觀當今右部之政正值  
昔日新法之餘召募憂於錢荒差繇患于戶少事既難辦法當  
通方尚賴聖美之明稍寬民力之憊臣之疎拙徒自勉強苟少  
緩於瘡痍亦圖報之萬一

再謝除戶部侍郎表

蘇子由

田野之姿入朝未幾侍從之貴冒寵已多方懷汰去之憂敢有  
超遷之望中謝伏以右曹之政本專賦役之煩近歲以來復益  
金倉之舊下關民力上計邦儲朝廷議論積年於茲吏民封章  
繼日以上置局未遑於成法付部要責其奏功將以適四方之



宜為一代之典。自非精練吏事，通知民情，何以上副憂勤，下寬疲瘵。如臣淺陋，殆難克堪。此蓋伏遇皇帝陛下聖貴，乘時孝先，述志明於因革之故，達於利病之源。上覽祖宗之成規，下采今昔之公議，昭然獨斷，惠此小民。謂臣出自賤寒，或知勸農之意，性本愚拙，庶無希合之情。度越眾賢，付以要務。臣敢不上體聖慮，勉盡鄙心。

與戶部鍾侍郎書

朱元晦

熹謹東向再拜致書侍郎執事。熹昨得見於省戶下，忽忽五年中間來使，閩部熹方退伏田里，有俯仰出入之故，雖不得瞻望，履寫之餘光，亦嘗以章少卿丈所致書，輒為數字之記，以通於左右。是後乃不敢有所關白，不自知其果能達視聽否也。比來

同安陸沈，簿書塵土中，乃聞執事復為天子出使巴蜀萬里之外，弛去逋負，緡錢之在官者，以數百巨萬計。再節來還，天子嘉之下，所議奏於四方，擢執事置尚書省，郎以計辯曹二十四司之治，可謂寵且榮矣。又以執事通於君民兩足之義，俾執事攝貳於版曹，務以均財節用，便安元元為職。除自既聞四方幽顯無不悅喜，以為執事必能以所管施於蜀者，惠綏此民，寬其財力之所不足，以助天子仁厚清靜之政也。今執事之蒞事數月矣，四方之聽未有所聞也。熹不佞，竊有所懷，敢以請於下執。蓋熹聞之，天子憫憐斯民之貧困，未得其職，故數下寬大詔書，弛民市征口笑，與逃賦役者之布，又詔稅民毋會其踣贏，以就成數。又詔遣執事使蜀，弛其逋負，如前所陳者。熹愚切以為此皆



事類彙編 卷之十一  
民所當輸官所當得制之有藝而取之有名者而猶一切蠲除  
不復顧計又出御府金錢以償有司是天子愛民之深而不以  
利為利也明矣而况於民所不當輸官所不當得制之無藝而  
取之無名若所虧少經總制錢者乎熹以謂有能開口一言於  
上以天子愛民如此所宜朝奏而暮行也而公卿以下共事奸  
阿莫肯自竭盡以助聰明廣恩惠前日之為戶部者又為之變  
符檄急郵傳切責提刑提刑下之州州取辨於縣轉以相承急  
於星火奉行之官如通判事者利於賞典意外督趣無所不至  
此錢既非經賦常入為民所逋貫官吏所侵盜而以歲偶多  
之數制為定額責使償之自戶部四折而至於縣如轉圜於干  
仞之坂至其址而其勢窮矣縣將何取之不過巧為科且以取

之於民耳而議者必且以為朝廷督責官吏補發非有與於民  
也此又與盜鍾掩耳之見無異蓋其心非有所蔽而不知特藉  
此為說誑誤朝聽耳計今天下州縣以此為號而率取其民者  
無慮什之七八幸其猶有未至於此者則州以月使人持符來  
逮吏繫治捶擊以必得為效縣吏不勝其苦日夜相與撼其長  
官以科率事不幸行之則官得其一吏得其二三並緣為姦何  
所不有是則議者所謂督責官吏者乃所以深為之地而重困  
天子所其愛之民也夫吏依公以侵民又陽自解曰此朝廷所  
欲得非我曹過也夫愚民安知其所以然者何哉亦相聚而怨  
曰朝廷不恤我等耳嗚呼此豈民之所當輸官之所當得者蓋  
其制之無藝取之無名甚矣夫以天子之愛民如此彼所當輸



當得有藝而有名者猶一切出捐而無所吝况如此者惟其味  
之知耳一有言焉其無不聽且從矣而獨愛其言者何哉是執  
政任事之臣負天子也執事誠能深察而亟言之使所謂虧欠  
經總制錢者一旦而罷去則州縣之吏無以藉其口而科率之  
議寢夫然後堅明約束痛加繩治敢以科率病民者使民得自  
言尚書省御史臺則昔之嘗為是者其罪亦無容矣於以上廣  
仁厚清靜之風下副四方幽隱之望無使西南徼外巴賈叩花  
之民夷獨受賜也豈不休哉喜疎遠之跡於執事有先君子之  
好而亦嘗得一再見辱教誨焉今也適在此位為可言者誠不  
自知其愚且賤思有補盛德之萬分故敢獻書以聞

律詩

送李戶部侍郎自河南尹再除本官 劉禹錫  
昔年內署振雄辭今日東都結去思宮女猶傳洞簫賦國人先  
錄衮衣詩華昌却復文昌位別鶴重歸太十池想到金門侍稱  
藉一時驚喜見風儀

戶部郎中

歷代沿革 周官司徒屬官有下大夫蓋郎中之任也漢尚書郎  
一人主力占掣田吳張溫為戶曹郎魏有左民部曹有農部  
郎中又為左人右人後又為人部人曹皆戶部也晉燕置右  
民郎曹東晉及宋齊唯有民部曹梁陳為左戶曹郎後魏為  
左戶曹郎北齊有左民郎曹隋初民部郎曹置侍郎二人煬  
帝除侍郎改民部郎唐為郎中高宗改為戶部龍朔為司元



太夫後復故郎中員外郎各二人掌戶口土田賦役貢獻蠲免優復媼婚繼嗣之事以男女之黃小中丁老為帳藉以求業口分園宅均其土田以租庸調歛其物以九等定天下之戶以為尚書侍郎之貳其後以諸行郎官判錢穀而戶部度支郎官失其職宋元豐改官制罷三司歸戶部左右曹而三司之名始泯矣舊三司使即尚書副使即侍郎權發遣副使即權侍郎三司判官推官及判子司官即郎中員外郎之任

**元**仍唐宋舊置戶部郎中二人

**唐書要語**地官為郎杜牧行韋退之制郎官皆為清秩杜牧行

韓寅制復以人曹郎佐掌邦計元微之行高允恭制參我地官

之屬首於時俊之科類要

**詩句**員外由來美郎中望不復寧知粉署裏翻作土山頭唐詩  
謙光自大理正遷戶部郎中而員外郎賀汝嚴詠云

**古今事實**

家號郎官

唐韋維為郎嘗時柳于庭及憲兄弟居郎省對之輒歛容自叔謙後至郎中者數人世號郎官家

世上儒學

宋淳化中戶部郎中張郁父正仕至戶部郎中世尚儒學號書樓張家長編

戶部二妙

韋維字文紀為戶部郎中善裁剖時員外郎宋之間善詩故稱



戶部二妙 詩話

正元十子

唐盧倫為戶部郎中有詩名於正元中與李端司空曙贈徒名為十才子形於圖畫以美其名 同上

儒術風采

唐武儒術遷戶部郎論事有風采 本傳

王質方雅

唐王質為戶部郎中以方雅特立除諫議大夫 劉禹錫為神道碑

斷叔姪爭嫡

隋高構轉民部郎中時有叔姪爭嫡尚書省不能斷朝臣之議不決構斷而合理上以為能勞之曰我聞尚書郎中上應列宿

觀卿才識方之古人之言信矣嫡庶者禮教之所重我讀卿判

數遍詞理愜當意所不能及也賜米百石由是知名 隋書

論宰相領度支

唐武儒術遷戶部郎時皇甫鎛以宰相領度支剥下益上儒術

上疏論列氣象高雅論事有風采 唐書

古今文集

雜著

戶部郎官廳壁記

施溫舒

國家分置六部各統其屬屬之所治各有攸司戶部之屬五其所治之事若民訟若賦役若俸餽給賜若貨財出納若倉庫委積雖各掌其一而書判之冗會計之勞符檄之多憂責畧等也



中興以來五十年間凡同舍郎更代之姓名遷授之歲月漫不可攷淳熙五年今樞密同知謝公為左曹得二右為題名未就而遷御史既登西府議同舍曰事求全則難成從簡則易就錄紹興至隆興遠矣典籍雖存非一朝所能討訂也姑舉關典豈若首隆興之元而序次之其所未備則後之博雅君子攷諸國史而詳焉必有任其責者同舍皆曰然於是乎刻之淳熙八年十二月記

戶部員外郎

歷代沿革周官司徒屬官有上士蓋今員外之任後周依焉唐開皇置民部員外郎煬帝改民曹承務郎唐改民部員外郎正觀明慶咸亨龍朔光宅神龍竝隨曹改復員外郎二人從

六品上掌領天下州縣戶口之事凡天下十道任上所出而為貢賦之差分十道以總之宋尚書諸司郎中正七品元仍唐宋舊置戶部員外郎三人

羣書要語戶部員外郎掌戶口賦役貢獻蠲免優復娉婚繼嗣

之事唐百官志為尚書侍郎之貳同上

詩句錦帳隨時設金爐任意薰唯慙員外置不應列星文趙謙光酬賀涉詩

古今事實

泄事有聲

唐狄仁傑薦于光明為員外郎泄事有聲唐書

秦議第一



唐裴尚累為櫟陽渭南令秦議皆第一擢戶部員外郎同上

賞其清俊

唐戶部與吏部鄰司時吏部移牒令戶部列棘以備交通呂太一為戶部員外郎答曰眷彼吏部銓總之司當須簡要清通何必設籬樹棘時賞其清俊

異其進獻

唐張濬累轉度支員外郎黃巢將通關軸濬托疾請告侍其母挈族避亂商州賊犯京師僖宗出幸逾年供須衛軍不得食漢陰令李康獻糗餌數百騾軍士始得食僖宗召康問曰卿為縣令安操心至此康對曰臣為塵吏敢有此進獻張濬員外指臣也帝異之急召至行在拜兵部郎中

古今文集

律詩

送白敏中新授戶部員外郎西歸

白居易

千里歸程三伏天官新身健馬翩翩行衝赤日加餐飯上到青雲穩着鞭

戶部分掌

金科

○舊金部

歷代沿革

周職金掌凡金玉錫石丹青之戒令漢置尚書郎四人其一主財帛委輸蓋金部之任也魏晉宋齊後魏北齊並有金部郎梁陳隋為侍郎唐龍朔中為司珍大夫咸亨復天寶改司金郎中至德復舊建中初罷劉晏鹽鐵等使天下錢



穀委金部倉部中書門下揀兩司郎官准格式調掌尋復置使宋金部判司事一人以無職事朝官充凡庫藏出納之節金寶財貨之用皆歸於三司而權衡度量之制主於太府寺本司無所掌元豐官制行郎中負外郎始實行本司事初除晁端升參掌給納天下之泉幣計其歲所輸數歸於應受之府藏以待邦國之用而銷考平准市舶權易商稅香茶鹽筴之數以周知其登耗凡造升斗尺秤皆以法頒其禁令若事應諮決擬書者視度支分案七左藏右藏錢帛權易請給掌法知雜案元戶部令史分掌名頭有塗科

**羣書要語**大寶曰位夏陳納貢之書聚人曰財漢有藏錢之府莫不取之以道用之以時不役人以奉身不遣人以供國自鹿

臺重賦東夏為墟鴻都賣官西園成市張鷟集財用金穀有出

納之政權衡度量有制作之法司珍之任實典治焉南豐晁端

彦制郎史文昌之高選司珍民部之劇曹曲阜陳紘制司金劇

部命汝典之孫升制職金之任初察張輔之制

**古今事實**

主財帛輸委

漢置尚書郎四人其一主財帛輸委蓋金部郎曹之任也職林

掌庫藏出納

唐金部郎中掌庫藏出納之節金寶財貨之用權衡度量之制皆總其文籍而頒其節制六典

盧自無愧



隋盧昌衡為僕射祖孝徵所薦遷金部郎孝徵曰吾用盧子均為尚書郎自謂無愧幽明矣隋書

蕭有父風

蕭穎士字茂挺終於揚州功曹子存字伯誠為金部員外郎諫直有功曹之風並唐書

對及治道

宋王師愈召除金部郎官數召對孝宗時賜書曰比聞秦對頗及治道之具而未詳也尚有可裨政體而宜於今者亟復條奏其眷待之渥一時在廷之臣莫得望焉

不督虛籍

王師愈為金部郎戶部尚書揚俊取諸郡積遺緡錢七百萬付

金部使督之公曰此錢徒有名耳督之未必有得而文移一下所擾不知幾何人且中外一體若邦計未裕不若歸誠君父以幸寬免豈宜舉此虛籍以罔上而病民耶持其事不下

戶部分掌

倉科

○舊倉部

歷代沿革周地官有廩人下大夫為倉人司祿之長掌九穀之數調賜蠲食以知足否蓋倉部之任也魏晉宋齊後魏並有倉部郎中梁陳為侍郎並以度支領倉部後周地官府有司倉下大夫一人隋置倉部侍郎開皇三年改度支為民部領之唐因隋曰倉部郎龍朔二年改司廩大夫天寶中為司儲宋倉部判司事一人以無職事朝官充凡倉庾受納租



稅出給祿廩之事皆歸三司而別置提點倉場官以督察本  
司初除韓正彦建炎三年詔罷司農寺本寺諸倉場事務隸  
倉部紹興三年復舊元戶部令史分掌名頭有倉料

**羣書要語**廩人掌九穀之數以待國之匪頒賜稍食以歲之  
上下數邦國以知足否以詔穀用以治年之凶豐倉人掌粟  
入之藏辨九穀之物以待邦用周禮出納必愷有司之常事上  
下之價則茫昧者受散雜苦良之貨則豪右者受贏惟一惟公  
乃罔不同惟平惟實乃罔不吉元微之行范季陸制歲漕東南  
粟六百萬石以實中都茲用命汝以廩人之職惟當於會計則  
無曠爾官曲阜除王宗望制倉使賦入之政祿廩賜助之法臺  
郎典領列於右曹南豐除韓正彦制

古今事實

居部無言

唐畢緄為倉部郎中故事要家勢人鄙倉駕工部居之者不悅  
緄授之恬然如處美官無異宰相知之遷職方郎中兼侍御  
史知雜

為屬不附

孟簡為倉部員外郎王叔文為戶部侍郎簡為其屬中立正色  
疑然不附並唐書

掌出納事

唐倉部郎中掌夫儲庫出納租稅祿糧倉廩之事六典

掌給受事



宋倉部參掌國之倉場儲積及其給受之事。列案有六。倉場上供給納糶米掌法知雜神宗正史職官制

古今文集

律詩

送倉部蕭員外

韋應物

樸被蹉跎老江國。情人邂逅此相逢。不隨鴛鴦朝天子。去逐想逢萊臺閣重。

戶部分堂

內度科

外度科

○舊度支

歷代沿革 漢有度支侍郎 魏晉宋齊後魏北齊並有度支郎中 梁陳隋為侍郎 開皇三年改度支尚書為民部尚書 始民部

領之唐因焉 龍朔二年改為司度大夫 咸亨元年復故 掌度國用租賦多少之數 物產豐約之宜 每歲計其所出而支其所用 宋度支判司事一人 列六案 度支案 發運案 支供案 賞賜案 堂法案 知雜案 以無職事朝官充 凡朝度之政皆歸

三司本司無所掌 元豐官制行 郎中員外郎始實行 本司事 初除陳尚參掌計度 天下之經費以貢賦租稅之入而為之 出小事則擬畫 大事則諮其長 元戶部令史分掌名頭有內

外度科 羣書要語 鳴鶴登朝 含雞伏省 轉筋之敏 未見稱奇 聚米之能 無間播美 張蒼之善 弄國用詎肯留情 馮勤之攷計 軍儲曾何介意 年支國賦為政之嘉猷 歲計軍儲邦家之要務 位參計



會職總度支

唐張鷟集

支度要部

胡文恭行盧成制

財物多寡

之數物生豐約之宜司度之曹典貳為重

南豐除陳向制度支

掌支度國用租賦多少之數物產豐約之宜水陸道路之利每

歲計其所出而支其所用大典

古今事實

自職度支

狄梁公以度支之司天下利害部常關入求之昧得乃自職之

唐職林

始有副知

蘇弁授度支郎中副知度支事仍命立於正郎之首有副知之

名自蘇弁始也六典

奏數千言

崔仁師為度支郎中嘗奏度支財物奏數千言手不執本太宗

冷杜正倫齊本與仁師對唱一無差殊太宗大奇之唐書

判出入案

唐故事度支案郎中判入員外郎判出侍郎總統押案而已

奏理奪田  
張仲方少朗秀父友高郢見而奇之曰此子非常必為國蟲後

為金州刺史郡人有田產為中人所奪仲方三疏奏聞竟理其

寬入為度支郎中  
勅求杜若

正觀中勅下度支求杜若省郎以謝朓詩云芳洲采杜若乃貴

事文類聚新集

卷之十一

二四



坊州貢之當時以為笑筆談

元理善笑

曹元理善笑回筋知一國之粟不差升寸也西京雜記

蕪頰三曹

宋徐宗說在度支會右曹金部皆闕官因令蕪頰三曹金穀織悉之地而宗說素有心計於天下經費出入盈縮之數莫不通知老吏為之斂手中興係年錄

古今文集

雜著

論度支疏

權德輿

十一月十二日將仕郎守右補闕臣權德輿謹昧次頓首上疏

皇帝陛下臣聞建官惟賢任人以器細大畢效輶輻無遺蓋就其所長以求至當古人所以有優於趙魏而劣於滕薛敗於粟邑而理於潁陽誠才各有所極也伏見司農少卿權判度支裴延齡早以文學累居官次固而似守刻而少通徒有專勤之心且非適時之器往者貳太農之卿長司太倉之出納號為稱職蓋有恒規陛下急於獎能切於賞善權委邦賦冀有成績且度支所務至重量入為出從古所難使物無遺利而不可竭竭則害生類使奸無隱情而不可刻刻則傷人和調其盈虛制其損益上繫邦本下係元元苟非全才通識則有所難自延齡受任已近半載群議紛然皆曰非宜且權其輕重固與守之之才不同邊儲經費之功懋遠移用之法貴無留事以酌乎中簿領簡

唐文苑英華

卷之二十一

二十一



書周行郡國失於毫釐利病相萬一物未理所軫皇情而延齡切於感恩昧於量功思有以效強所不通則有枉尺直尋之心多方自固之計吏伺其隙入售其奸因緣蒙蔽觸類滋長致遠恐泥學製實傷異時甚敗罪之何補伏料聖意久未正授延齡職名似觀其能否以為進退官司間里眾口一心評議誼諱所不可遏伏望與一二宰臣時有裁議或詔問度支郎官使得以事實條對苟言者縲妄盡有以辨之或才實未稱恐難久處儻擇能代命以他官以全延齡以便天下上副求理之意下遂陳力之宜則事任交脩職業不廢臣忝備陛下諫諍之官常服師訓緘默自負無以為容既嗣宗口不言人之短巨心常師之但以求帶立朝則異於是職當獻納豈敢顧身耳有所聞心有所

見義在無隱以奉聖明言而獲戾臣之歎所不勝愚瞽惓款之至伏惟陛下裁擇

戶部分掌

舊屬糧料院

糧草料

轉運天下糧草急關規畫等事

歷代沿革

宋仍舊制以三司大將軍為都糧料使自開寶六年以著作佐郎陸光範充改用京官自此始太平興國五年分諸司馬軍步軍為三院八年以馬軍步軍合為一院雍熙四年命供奉官陳處晦勾當諸司糧料供奉官曾杵勾當馬步軍糧料自後復分馬步軍為兩院或以諸司使副分主之端拱二年復以京朝官主之元豐末併馬步軍與諸司為二院隸太府來掌以法式頒廩祿凡文武百官諸司諸軍奉料以



券準給中興以來行在諸軍諸司糧料院鎮江建康有分  
差諸軍糧料院鄂州有分差戶部糧料院四川總所有分差  
戶部魚關糧料院分差利州戶部糧料院六院官例以京官  
知縣有政績者為之故恩疏數畧視職事官而不入雜壓紹  
興間胡汝明以料院除監察御史遂遷副端乾道復相繼入  
臺者有宋敦書等數人而六院彌重號為察官儲美紹興間  
復入雜壓淳熙間削去近歲復舉班在五寺簿下太學博士  
上元戶部令史分掌名頭有糧草科

羣書要語宮正均其稍食又云月終則會其稍食周禮

古今事實

躬自檢校

宋汪大猷字仲嘉幹辦行在糧料院文書盈冗日不給視公間  
摘一二無不切中老吏驚嘆謂未有也或言權貨務左藏庫有  
羨儲朝旨以委公躬自檢校得其實以對樓文魏集

除太常簿

宋林正惠公木中字和叔幹辦詣司糧料院求外補同擬者四  
人孝宗指公與計衡姓名曰此二人佳可除職事官遂除太常  
寺簿同上

審計科

審計天下見在錢帛可支年月

舊屬審計院

歷代沿革宋以三司使總邦計司各有院以秉中外泉穀出入  
之政蓋會計之府也然案牘叢委典者不能徧察而奸宄焉

事類彙編

卷之二十一

二



淳化三年始用戶部使禁知古奏剔其冗籍復別為院置官領之以聽稍食之要貳置院之初特掌騎兵徒兵給受之數猶未及諸司也元豐三年合步騎兩院為一遂以其一主諸司上自宮禁朝廷下至斗食佐史凡賦祿者以式法審其名數而稽其辟召者唯效賜給已乃審祿有疑予則詔以法凡四方之計籍上於大農則逆其會凡有司議調度會賦出則詠焉設員二曰左右聽分案六史八人舊為諸軍諸司專勾司建炎元年改諸軍諸司審計官元戶部令史分掌名頭有審計科

古今事實

以為關鍵

宋紹興五年臣寮言臣切惟國家之賦祿以糧審為關鍵糧審之勘給以法令為承式中興會要

不交權要

宋辛次膺監諸司審計司未嘗登權要門參知政事孟庶被詔薦其才遂召對是日除駕部員外郎胡澹庵集

古今文集

雜著

審計院廳壁記

吳博古

審計非古官也而原於古古者凡官府皆有要會而財用稍食之會尤詳國初以三司使總邦計司各有院以秉中外泉穀出入之政蓋會計之府也然案牘叢委典者不能徧察而姦容焉



淳化三年始用戶部使樊知古奏別其冗籍復別為院置官顯  
領之以聽捐食之要置院之初特掌騎兵徒兵給受之數猶  
未及諸司也元豐三年合步騎兩院為一遂以其一主諸司上  
自官禁朝廷下至手食佐史凡賦祿者以式法審其名數而稽  
其辟名者唯效賜給已乃審祿有疑予則詔以法凡四方之計  
籍上于大農則逆其會凡有司議調度會賦出則詎焉設員一  
曰左右聽分案六史八人然夷考縣官祿賜之費月長歲滋如  
江河下流愈遠愈闊其浸淫未易隄障也自至道末歲給中都  
官吏不過十數萬紙熙寧月四萬今又倍之百司吏祿又靡耗  
特其蓋居兵費四之一豈據券涉筆者曾無秣於經費抑端本  
澄源不在有司歟然糧糈為太農關鍵倘據會要而觀則倖穿

必有蹊蠹藏必有冗損益本末蓋可覩已院故無記前人名氏  
不傳三山林君湜建安周君擘斷自南渡緒次官簿錄之石亦  
不苟於其職夫故為書職掌太畧於其端以諗來者院舊曰專  
勾中興避御嫌名更今名云淳熙十四年九月既望記

審計院題名記

吳傳古

秋九月諸司審計司作題名屬余為之記江陰呂君斐廬孫  
君逢吉造余曰兩院皆君昔所泄寧獨遺其一也敢繼以請余  
觀舊事自淳化綿絕之始以三班掌事後稍更用京朝官中興  
選任尤寵善職者徑登郎省將使指近比非試邑有聞者不在  
選中臺有缺屬於焉是擇士脫州縣登朝於焉問津其輕重視  
胥何如而官是者昧焉不見姓名於後寧非缺歟諸君蒐補闕



遺而余陳朽亦牽聯得書寧非幸歟顧併征余文將為兩院重  
茲幸也寧非辱歟余曩嘗閱軍簿會兵費竊喟然嘆曰本邦維  
財蠹財維兵觀本與蠹相盛衰益即是焉觀之試挈一歲審放  
之最錢以緝計糧以解計帛以定計續以兩計者百二十有四  
億僅足以贍中都之兵列戍三垂者不預焉秦漢以來雖或連  
兵贍歲費不微此今憂柔遠期與天下休養而無涯之費如  
故民力安得不屈耶惟九重儉慈不以一毫妨經費曰民與兵  
是恤是圖是以民無怨咨曰縣官所以征取於我者凡以衛我  
也兵無缺望曰縣官所以衣食於我者極此固不薄於我也然  
欲使兵絕虛籍國不徒費士得全廩師以不饑則任職者可不  
閔民力之不易念官賦之難支悉意審覈以佐公家之萬一乎

泐董本末不與諸司同不復書姑以所當更者書以為後遺  
淳熙十四年十月四日記

新編古今事文類聚新集卷之十二 終







神龍復舊宋元豐正名始除尚書闕元祐六年以梁燾為禮部尚書元仍唐宋舊置禮部掌凡禮樂祠祭燕享貢舉釋道四方使客諸蕃進貢犒設帳設之事置令史分掌名頭以尚書為長

羣書要語

二曰春官其屬六十掌邦禮周禮

宗伯掌邦禮治神

人和上下書周官

帝曰咨四岳有能典朕三禮禮會曰伯夷帝曰

俞咨伯汝作秩宗

夙夜惟寅直哉惟清舜典乃立春官宗伯使

師其屬而掌邦禮

以佐王和邦國周禮太宗伯之職掌建邦之

天神人鬼地祇之禮

以佐王建保邦國同上夏父弗忌為宗伯

左傳

宗伯秩禮是為太僚李絳制春曹尚書元稹行王播制禮

臣不佞

燕許公碑春官古卿是用授汝南豐擬制擢登宗伯之

曹上應文昌之位

晏公類要

實在南宮之列

嚴表類典朕三禮

太舜委於姜夷分勅六卿成王任於彤伯建茲歲首寔曰春官

敦敘九族之親欽若五常之教祀天郊地之典舉其宏綱朝百

夕月之儀撮其機要張鷟集昔舜命伯夷典禮后夔典樂至周

并為宗伯之任今禮部尚書蓋其任也南豐擬制正禮闈以充

負眷惟千古之儀文宜付一時之雋彥故從劇部移實清曹嚴

表記光明書省務總要樞建禮仙門職惟喉舌張錫制典禮之

於有司非人莫濟秩宗之於省戶其選則高同上五星懸暉奉

池紫宮之典百官根本聯曹建禮之門蕭子範表

詩曰及乎貞觀初尚書踐合斗注以玉珪拜禮部尚書後以待

郎執政杜送王評事



古今事實

管攝二曹

後魏孝文征馬圈留宋弁兼祠部尚書攝七共事及行執手曰國之大事在祀與戎故令卿管攝二曹北史

授卿二職

唐高宗謂裴行儉曰卿文武兼資故授卿以一職即日拜禮部尚書兼檢校右衛大將軍

報卿直言

陳叔達初建成元苦疾害太宗陰行譖毀高祖惑其言將有貶責叔達固諫乃止太宗時拜禮部尚書勞之曰武德間公有直言故以報卿

召入決事

睿宗朝薛稷為禮部尚書以翊贊功每召入官中與決事恩絕羣臣

筮得鼎卦

李綱字文紀初仕隋官不進筮之得鼎卦筮人曰君當為卿輔待易姓乃如志至唐終禮部尚書唐書

藝如襪線

僞蜀韓昭仕為禮部尚書琴碁書美射法悉皆涉獵李口數曰韓八座仕藝如折襪線無一條長北夢瑣言

沔善禮經

唐崔沔歷秘書監太子賓客既善禮經朝廷每有疑議皆取決



馬卒贈禮部尚書

稷議配饗

宋豐稷為禮部尚書哲宗升祔議功臣配饗稷以為當用司馬光曰公著或者謂一人得罪於哲宗廟或不可用稷曰止論其有功於時爾如唐五王配享中宗豈非得罪於中宗者哉通界

止高麗市書

高麗貢使請買書籍朝廷以故事盡許之禮部尚書蘇軾言漢東王求諸子太史公書猶不許今可與乎詔曾經買者許依例同上

却西蕃貢馬

宋元祐西蕃有貢駿馬汗血者事下禮部軾時為宗伯判其狀

云朝廷方却走馬正復汗血亦何所用事遂寢蘇東坡二馬贊序

古今文集

雜著

禮部長貳壁記

洪邁

起建炎丁未至今二十四年凡禮部侍郎尚書名氏可見者毋慮五十有八人其在事歲月若除舊拜新雜出於掌故省臆或脫不具然大畧在是矣自元豐定官制歸天下萬務於文昌曹分賦職頗採用周官唐六典尚書品第一侍郎品第二皆法從屬車間朝廷所以尊榮之甚寵由是得政者鴈行立然要為具負吏朝日而坐出曹弊治不過操牘視成振之以章程祝之以挈比思慮索於几案此其勢不能得施置自便獨宗伯不其然



間平時繩墨要會疑亦王官之一守有曰天子舉遺興禮大朝聘大慶賀與天地宗廟典策秩享之事衆史贅聚閣筆詞不占措乃雍容風議斟酌故實援之古可驗揆之今可行者繫吾啓爲之非特規守成法視故府鍾鼓玉帛周章有司之後而已則上所選置正用第一品亦其理宜中興之宰十四而以是進者六故相國義陽公清河公江寧公吳興公今相國縉雲公弋陽公礪礪落落如乘倉龍騎北斗淵耀下飾燁然一時固宜登載表暴使後之君子有所瞻依新安金公乃命郎吏謹具年次書諸石紹興二十年九月初一日記

辭免禮部尚書兼翰苑奏狀

周必大

自天有命無地措躬臣竊惟掌禮代言班高選遴國初陶穀雖

嘗兼領然宗伯猶是階官未率屬也元祐中獨蘇軾文章學問稱此兩職然亦先後迭居不聞並命自紹興至于乾道沉與求孫近胡交脩楊椿注應辰俱是六卿祇帶兼權學士有以見名器之重不輕畀付如此今臣至愚極陋無一可取積繇遭遇徧歷清華懷感恩之意而口不能宣堅報國之誠而力不能逮前此奏對每及祖宗時居內制者大率久任則臣拳拳之志粗亦可推第緣宿恙侵凌未免僥求閑散陛下海涵天覆已極隆寬乃復過有褒遷超視二品直兼翰苑度越前規寵厚而愈加位高而益進方聖主大開公路臨照百官何乃眷私小臣獨用其至此臣所以既懷滿盈之懼又慮仰玷聖明歷墾籲天殆不容已伏望睿慈鑒臣悃悞非敢禮辭特頒詔旨亟褒成命清資累



數留待奇才庶安危表迄荷保全之賜

謝除禮部尚書兼翰林學士表

周必大

宗伯綴文昌之坐已高曳履之班翰林依華蓋之星尚玷縉綸  
之直當聖主謹持於公器獨愚臣常愧於私人中謝臣竊考自  
古豪英之才旋觀當今文學之士或抑厭草茅之下或陸沉州  
縣之中瞻城南尺五之天致身無路想玉階方寸之地通籍幾  
人况乎出入禁嚴周旋侍從論思獻納日過清光衣被服成歲  
叨徽數向匪負一時之望安能符衆論之公如臣者學不足以  
知方才不足以應務家壁四立耳為窮陋之民君門九重敢起  
躋攀之念而自親逢聖作首奉詔除簡知特厚於衆臣獎擢偏  
更於華貴官益崇而效寡祿愈富而報微左降固宜右遷何有

忽拜便蕃之命疊加優異之恩帥屬春官光貳卿之舊次摛文  
禁苑奉四命之新榮煥寶帶以章身飾繡鞞而驚駭正使實兼  
數器尚虞稱塞之難矧伊初之寸長何意超踰之甚周革就列  
俯仰懷軫此蓋伏遇皇帝陛下道叶舜華志恢禹迹明明在上  
雖洞照於羣情浩浩其天每包涵於萬類寧稍捐於爵秩恐或  
棄於非葑遂致凡才亦塵顯仕臣敢不悉其思慮稱是寵優號  
令文章期助漢家之制討論潤色勉晞鄭國之賢苟追素履豈  
驕洪造

禮部侍郎

歷代沿革

隋煬帝初置禮部侍郎唐因之龍朔中為司禮少常  
伯咸亨復舊掌策試貢舉及齋郎弘崇國子生等事舊制考



功員外郎典貢舉開元中李昂為進士李權所誅朝議以考  
功位輕不足以臨多士次年遂以禮部侍郎掌焉宋元豐正  
名除戶部侍郎謝景温為禮部侍郎自此始正除尚書闕元  
仍唐宋舊置禮部侍郎

羣書要語小宗伯之職掌建國之神位周禮禮部侍郎周之春

官小宗伯也六典貳宗伯之掌禮典諸侯之貢士職類唐制可

使典禮以和神人可使考文以弟俊秀白集章貫之制擢以公

望貳于秩宗豈惟神人之和兼舉孝秀之且職類唐制秩亞春

官南豐擬制稱秩元祀春官舊職舉秀與賢國朝兼領非文儒

碩茂裁鑒精實重于一時者不在此也職類禮闈儀曹典郊祀

之禮獻賢能之書小宗伯實兼一事非直清公正者不足以

處之白集授章貫之禮侍

詩曰望即到處覺風生鄭谷和禮部盧侍郎南宮吾故人白馬

金盤隨雄筆映千古見賢心靡他杜甫寄禮部賈侍郎

古今事實

侍郎入相

常袞自禮部侍郎入相時潘炎為舍人引麻因戲之曰留取破  
麻鞋著及袞視事不決旬果拜南部新書

學士加榮

賀知章從太常少卿遷禮部侍郎兼授學士一日併謝訖謁宰  
臣源侍中曰賀公久著盛名今日一時加二榮命竝為學士之  
光輝雖然學士與侍郎二者孰為美燕公曰侍郎自皇朝已來



事類彙編卷之十三  
為衣冠之華選自非履歷清要望實具美者無以居之雖終  
是具身之吏又非往賢所慕學者懷先王之道為縉紳軌儀編  
揚班之詞彩兼遊夏之文學始可處之無愧一美之中此為愈  
也唐書

父子南省

崔挹子湜先是湜為兵部侍郎挹為禮部侍郎父子同為南省  
副貳有唐以來未有此事

兄弟禮部

崔氏兄弟六人邠邠凡為禮部五吏部再居光德里構便齋  
宣宗曰邠一門孝友可為士族法因題曰德星堂後京兆民即  
其里為德星社並唐書

重於宰相

韋絕為禮部侍郎取士抑浮華先行實登從容奏曰禮部侍郎  
重於宰相帝曰侍郎是宰相除安得重曰然為陛下東宰相者  
得無重乎帝美其言

選多公卿

唐賈餗為中書舍人後正拜禮部侍郎所選士七十五人得其  
名人多至公卿

韋波裁鑒

唐韋波字啟卿為禮部侍郎於裁鑒尤長本傳

柳璟寬信

唐柳璟字德輝為禮部侍郎為人寬信好接士稱入之長遊於



門者他日皆顯於世

瑞柳試士

呂渭字君載遷禮部侍郎始中書省有古柳建中末枯次德宗自梁還復榮茂人以為瑞柳渭試進士取瑞柳為題帝聞而嘉之唐書

梯墻決事

惠文太子薨詔禮部選挽郎侍郎賀知章取捨非允為門蔭子弟喧訴盈庭知章於是梯登墻首出決事時人咸嘆之舊唐書

直言時政

宋劉正夫字德初除禮部侍郎嘗見詔求直言正夫條奏時政十餘事大略重名器輕賦歛戢干戈節賜予選人材惜民力鹽

祖宗成憲謹持盈守成之道徽宗嘉納之東都事畧

抗聲和議

宋禮部侍郎曾開知婺州先是秦檜語和議曰此事大係安危開於坐中抗聲曰丞相今日不當說安危止令論存亡爾檜覺然驚其言遂命出守中興繫年錄

不宜輕出

宋中丞張守謚文靖除禮部侍郎力辭不拜上命呂頤浩召至政事堂中諭以正人不宜輕去朝廷守乃受命中興係年錄

當專任用

宋張魏公復除知興元府已登舟除禮部侍郎召對便殿上慰勞宣諭曰朕將有為正欲一飛冲天而無羽翼者卿為朕留意



專文類聚新集 卷之十三  
當專任用 朱晦庵集

古今文集

雜著

謝轉禮部侍郎表

范文正

渙渥自天震惶無地循墻弗獲致冠是虞中謝伏念臣布素寒  
姿斗筭微器初縻下士之祿忽塵上聖之知歷升近班嘗預大  
政深自感激詎為因循仰祖宗之謀請行故事懷社稷之計動  
履危言雖欲少盡其心奚能久安於位遷彰無狀誠合有誅而  
聖意始終天慈曠蕩尚宜名於秘殿復蒙幸於善藩天拙云藏  
小言用息莫聞課最敢觀龍光伏蒙皇帝陛下雷霆震威日月  
還照未忘圖舊不次推恩擢登宗伯之曹上應文昌之緯職命

如故爵數甚隆徒執讓以弗諧正服榮而為懼臣敢不夕惕三  
省寅恭一心進而盡憂國憂民之心退則處樂天樂道之分上  
酬聖遇用竭愚衷

謝除禮部侍郎表

周必大

掌祕府之圖書又玷英游之列奉甘泉之筆蒙驟汗法從之班  
恩厚踰涯感深次骨中謝臣聞知人察乎堯哲分職著於周官  
明三德以有家所以撫五辰而凝庶績佐六卿而率屬所以倡  
九牧而阜兆民何畏巧言其惟吉士如臣者以一介甚疎之跡  
荷兩朝特達之知槐市蓬山早塵華選烏臺鸞掖浸陟要班洎  
中返於江湖亦旋歸於覲闕踰年于此片善莫聞心跋踏以不  
安顏忸怩而罔措所期顯黜乃誤殊遷惟宗伯古之清曹惟貳

專文類聚新集

卷之十三

十一



卿今之無仕禮樂自天子出雖上稟於聖謨遵立則有司存當  
俯求於故實夫何鄙朴而許攝承夙夜直哉惟清莫遂夔龍之  
遂文章煥焉可述更慙乘馬之工茲蓋伏遇皇帝陛下冠古聰  
明御圖勤儉辨臣鄰之邪正昭示抑揚閱風俗之墮偷力加勸  
沮知臣雖無可用之實察臣粗有不欺之愚特假寵榮俾陪亞  
旅臣敢不益堅素守更厲丹心效守職之小忠詎塞論思之責  
竭事君之大節或酬覆燾之仁

辭免禮部侍郎兼直院兼侍讀狀 真德秀

內史之除倣逾三日秩宗之命遽下九夫仍經幄之新榮兼詞  
林之舊且此前代崇儒之典寂謂寵光矧嗣皇訪落之初可輕  
畀付顧如某者自視闕然禮樂詩書少雖涉獵文章翰墨久已

荒疎分閩二年憂民一意瘁痾由已敢辭夙夜之勞毫髮無功  
徒致陰陽之寇精神耗憤形體支離頃屬夏秋之交嘗陳香火  
之請蒙恩未許竊慮是慚詎意龍飛首領驛召甫登西掖旋貳  
南宮陳善責難益平時之自詭尊經好學迺盛旦之親逢所願  
依日月之光期或遂滄埃之補而某自嬰宿疾未底全安簡策  
舊文都忘前背記牋常語且出他人豈堪持衰憊之身而輒造  
清華之選仰祈敷奏俯狗愚衷祿賦祠庭庶少瘳狗馬之疾心  
存帝闕終願輸螻蟻之忠

謝除禮部侍郎兼直院兼侍讀表 前人

龍飛九五幸逢真主之興驛召再三俾造邇臣之列職親地遠  
恩鉅人微中謝臣竊惟國勢之重輕率視人材之聚散王多吉



士則若鳴鳳之集梧桐朝有直臣則若猛獸之衛藜藿和聲聞而妖聲自息正氣勝而邪氣罔干是以元祐首年盡起諸老隆興初政畢萃群賢正塗既開治象可卜於赫盛日適邁先猷直得白首耆艾之英以重清時獻納之選伏念臣學雖志道材弗濬人忝乙第於慶元臨軒之初綴三館於嘉定改絃之始齎靡久直曾微華國之文螭陛屢前徒抱愛君之志越從持節海易守藩尚期宣室之席前忽痛鼎湖之弓墜義輪東出方溥海之仰瞻漢札西來先時髦而收召身未登於詞掖班已獮於儀曹金華玉堂假儒臣之榮籠蘭臺石室窺太史之秘藏自惟何人叨此殊獎茲益恭遇皇帝陛下德全純懿學務緝熙念皇天后土之監臨居懷兢畏察君子小人之消長實兆興衰謂臣雖無

適用之材知臣粗有不欺之節擢躋通服詆貢微忠臣敢不戒在若容期於美報惟禮可以為國願廣晏嬰之言非道不敢前陳竊效孟軻之敬

律詩

寄王侍郎放榜

劉禹錫

禮闈新榜動長安九陌人人走馬看一日名聲徧天下滿城桃李屬春官

禮部郎中

歷代沿革周官太宗伯屬官下大夫蓋郎中之任也魏晉宋齊

梁陳後魏北齊有殿中郎儀曹郎殿中掌表疏儀曹掌吉凶禮制皆禮部郎中之職也後周依周官隋禮部曹置侍郎



人煬帝改儀曹唐因之稱郎中武德二年復為禮部龍朔三年改司禮大夫光宅神龍隨曹改復宋元豐正名初除劉贊王子韶為之太朝會則上書奏藩國貢物凡慶賀若謝則郎中員外郎分撰表文建炎三年詔禮部郎官一員兼主客元仍唐宋舊置禮部郎中

羣書要語春官之屬晏公類要容臺是則僊闈咸推唐彭景直

禮部郎制儀曹之任實藉文雄郎吏之選必資時秀唐授禮部

郎制張燈起草譽動南宮許公集賜筆禮闈進席天臺之屬張

賈制裁書南閣常衣制大微之星郎位甚近宗伯之屬禮為司

清公是謝表俎豆之議者為典常歲奏之文傳為口實秩清任

重時儒所貴不次之用多此途出曲阜行上官均制儀曹郎選

參訂禮文兼職歲奏非富儒學未易處也同上掌佐尚書侍郎

舉其儀制而辯其名數掌凡五禮之儀二百五十有一六典掌

禮樂學校儀式制度衣冠符印表疏冊命祥瑞鋪設喪奠贈賻

及官人等通典注

詩句惟此禮部公東坡也寒泉秋舊井滴此夕羸瓶召還及脩

經山谷須知百日掌經綸禮部一百日內須知制誥故王元之與

古今事實

真儀曹郎

孔邊為齊尚書儀曹郎屢歲闕禮多見信約上謂王俊曰孔邊

真所謂儀曹郎也南史齊書

鮮朝儀者

鮮朝儀者



梁武帝問徐勉求一有學藝解朝儀者為尚書儀曹郎勉曰孔休源識見精通詳練故事帝即日除儀曹郎每建議訪問前事休源即以前所誦記隨機斷決曾無疑滯吏部任昉嘗謂之孔獨誦梁書

南宮舍人

舊說禮部郎中掌省中文翰謂之南宮舍人唐職林宋神宗與宰執議更官制至禮部郎中曰此南宮舍人非他曹比可除劉摯王鞏聞見錄

名表郎官

宋元豐官制禮部郎中謂之名表郎官別有印曰名表郎印石林燕語

辭章自名

唐薛稷字嗣通為禮部郎中以辭章自名

論議無屈

唐李翱為禮部郎中性峭鯁論議無所屈見宰相李逢吉面斥其過失並唐書

奏議詳雅

唐王安中在禮部奏議詳雅省中服其能韓愈撰墓碑

大儀專委

唐劉沆字士深博綜羣書為儀曹郎僕射徐勉以臺閣大儀專委沆焉

止加尊號

唐文宗皇帝行儀



宋劉敞字原夫。天子將親太廟。丞相欲如上尊號。公以禮部兼領名表。丞相請撰表。公說止之。遂上疏章凡四。天子得公奏曰。我意本謂當如此。遂斷章表不受。公於是任時相。言行錄

撰賜衣表

舊大朝會等賀及春秋謝賜衣。請上聽政之類。宰相率百官奉表。皆禮部郎官之職。太觀以後。朝廷慶賀事多。非常例。郎官不能得其意。蔡京乃命。中書舍人雜為之。既又不欲有所賦。於是間參取首尾。或摘其一二。聯次比成之。當時謂之集句表。禮部所撰。惟春秋兩謝賜衣表而已。石林燕語

古今文集

雜著

禮部郎官廳壁記

洪邁

鈞之為郎。然二十四司。冷熱劇易。不得同。語中興時。拍不急之官。省郎負七。以主客合於禮部。號為兩曹。而所掌猶不過。削印瑞郊廟禮文。與士子科舉事。日所程判。其多不能以百。天明省門開。繇大丞相以下。畢入聽治。吾同舍郎南典。選北理。財文書鱗牛吏。四繞不少。置獨儀曹之廷。可設。斃罔子方。理。臺。間。呻。帖。畢。作。書。生。事。業。倦。則。偃。一。榻。上。遲。食。時。雙。起。摩。睡。眼。以。出。卒。食。舒。舒。而。行。何。丞相上馬已。即去。至無毫毛。可用。以為。勤。以。白。長。官。者。其。官。同。祿。之。入。又。同。而。佚。勞。相。絕。顧。如。此。類。之。不。厚。難。夫。哉。屢。壁。當。有。記。以。謹。歲。月。識。名。氏。今。亡。有。也。問。諸。掌。固。掌。固。不。知。蓋。其。官。閑。其。吏。緩。閑。與。緩。相。遭。苟。且。頽。靡。非。一。日。實。然。



予訪老吏質太史越數月而後頗得其梗槩乃探建炎以來至于今日自祖秀實始并書其幸甚云紹興三十年七月八日記

禮部郎官廳記

黃疇若

紹興三十年洪內翰邁時作中興以來禮部郎官廳壁記自建炎元年六月至開禧二年四月由祖秀實而下凡八十七人題字竟及跌後來無以書今國子戴司業溪廼伐石以續而題其名於端屬余記歲凡于上惟禮部有儀曹郎蓋古春官之屬魏齊及唐多選名士典領雖不治又書比他曹為閑暇然極其至要則協禮樂以贊宗伯治神人以和上下至於事筆研於其間者亦必廉悍俊拔如柳宗元劉禹錫輩乃稱是豈細事思厥艱大反不若縱橫計財甲乙論刑之為易易耳故廣前誌之末畫

冀方來之知勉使牽聯詩書業復光大以對于前聞人顧不偉歎毋徒措睡睫曰丞相上馬去吾事畢矣開禧丁卯九月丙戌豫黃黃某記

朝奉郎蘇軾可守禮部郎中誥

王震

爾議論文章卓然名世而失職浸久所學未伸今茲命爾為郎以待不次之選孔子曰如或知爾則何以哉繼爾之才不患無

位

律詩

寄同年禮部趙郎中

鄭谷

仙步徐徐整羽衣小儀澄澹轉中儀樺飄紅燼趨朝路蘭縱清香宿宵時彩筆煙霞供不足綸闈鸞鳳訝來遲自怜孤宦誰相



念禮祝空吟一首詩

寄禮部劉郎中

今狐楚

一別三年在上京仙垣終日選群英除書每下皆先看唯劉郎無姓名

禮部員外郎

歷代沿革周官大宗伯屬官有上士蓋今員外郎之任也後周

依焉隋開皇六年置禮部員外郎煬帝改儀曹承務郎唐武

德初改禮部員外郎龍朔二年改司禮員外郎咸亨光宅神

龍隨書改復宋諸司員外郎正七品元仍唐宋舊置禮部員

外郎

羣書彙語官有秩清而選妙者其儀曹員外郎之謂乎白集行

張元夫制怒飛青冥翔集禁陛由茲去者十八九焉同土禮部

郎中員外郎凡講議制度損益儀物則審覆有司所上之狀以

次諮決而質於尚書宋續會要

詩句移石幾回敲廢印開箱何處送新圖唐舊說○員外郎廳

有太石諸州府納廢印皆於石上碎之又圖為祥瑞亦員郎所掌

古今事實

瑞錦窠

唐舊說員外郎為瑞錦窠退朝錄

清廟器以下係員外郎

唐李班為殿中侍御史宰相韋處厚曰清廟之器豈擊搏材乎除禮部員外郎

事類彙編

卷之十三

十六



文章稱首

唐劉禹錫柳文序子厚以文章稱首入為尚書禮部員外郎又柳子厚又童卓偉精緻職林

撰定成服

唐尋叔夏授禮部員外郎則天將享明堂受制與當時大儒撰定儀注眾咸推服之唐書

少年趨取

僕年二十三其少年自御史裏行得禮部員外郎趨取顯美柳宗元與蕭俛書

十年方轉

唐劉禹錫為禮部員外郎方與日者從容段文昌入謁既去日

者謂禹錫曰員外須待十年之後此客入相方轉正曹郎耳自是禹錫決意連受外官十餘年文昌入相方除禹錫禮部郎中錄異記

名德為首

唐崔澹舉止秀峙謂王而冠者為禮部員外郎當時士夫以流品相尚惟名德者為之首唐書

士林稱誦

宋汪大猷字仲嘉除禮部員外郎南宮名表一出士林稱誦之樓攻愧集

不許補館

唐許孟容德宗召為禮部員外郎有公主之子請補弘文館諸

唐許孟容德宗召為禮部員外郎有公主之子請補弘文館諸



生孟容舉令式不許公主許于上命中使問狀孟容執奏竟得  
遷本曹郎中

不草虜牋

宋吳懋晉陵人為禮部員外郎虜立張邦昌法當節草虜奏公  
度不可拒將引繩自裁有幸非常者僂曰僕請為之由是獲免  
而王時雍用事坐政事堂公發憤罵時雍曰反虜吾不能擊汝  
如段秀實耶時雍面頸發赤不能對公因以疾求罷不聽遂稱  
疾篤於家中興係年錄汪藻撰墓誌

論明堂合祭

宋王居正字剛中紹興元年除禮部員外郎上將祀明堂公立  
議請合祭天地奉太祖太宗配詔禮部議定撫州守臣言其露

降圖以聞公請卻其圖勿內臺臣繼劾守奪其州呂東萊文集

言海濱祭典

宋李文簡公憲正除禮部員外郎中興祭典未備兵鎮海濱先  
農先蠶風雨雷師九祠以酒脯代牲牢雨暘失節郡國水災以  
此詔復舊

古今文集

律詩

春夕伴同年禮部趙員外直省

鄭谷

錦帳名郎重錦科清宵寓直縱吟哦水含玉鏡春寒在粉傳仙  
闈月色多視草郎應歸屬望握蘭知道暫經過流鶯百轉和殘  
漏猶把芳樽藉露莎



禮部分掌

祠祭	燕享	山陵致祭	司天
醫下	釋道	度牒	忌辰
旌表	舊祠部		廟諱

歷代沿革東晉而下逮於北齊皆有祠部郎後周春官府有典祠中大夫隋有祠部郎唐改為郎中龍朔中改為司裡大夫後復故宋祠部判司事一人以無職事朝官充凡祠祀享祭皆隸太常禮院而天文刻漏歸於司天監本司但掌祠祭畫日休假令受諸州僧尼道士女官重行之籍給剃度受戒文牒而已元豐改制郎中員外始實行本司事祭掌天下典祀國忌廟諱凡本司所治之事月奏祠祭畫日及休假令節即神祠封爵號則覆太常所定以上尚書省應官觀寺院僧道

置籍書其名額歲較醫官功過而賞罰之元無專曹官以令史分名頭掌之

羣書要語祭以祀神人道之極也祠曹所須體莫重焉夫南豐趙

令鑠制追建禮之禮曹明文恭贈曹旭制水廳素號無事紹興

日本中制

詩句又隨急詔朝天去陳後山送鄭祠部仰承宗廟懷祗虔晉

祠部稽含臺中冥會

古今事實

二世為郎

賀德基世傳禮學祖文發又淹至德基二世為祠部郎德基於禮記稱為精明甫史

禮記稱為精明



二年在部

宋兼魯得字少蘊遷祠部員外郎召對上喜因問在祠部幾時對行及二年上曰如是久乎朕即當不次擢卿後數日遂除起居郎長編

召拜祠部

晉周捨博學尤精義理善誦詩書吏部尚書范雲重其才器以之梁武帝召拜尚書祠部郎禮儀損益多自捨出也

命陟典祠

宋富弼子紹庭除祠部員外制云惟爾先正相予祖宗爾少長義方習以成性詩不云乎惟其有之是以似之朕亦何愛典祠之清選而命汝陟焉以勸夫孝於親者往其欽哉東都事畧

呼為冰廳

祠部呼為冰廳夫声言其清且冷也因話錄

不博都門

唐省中語後行祠屯不博中行都門同上

言南北郊

魏徐邈為祀部上言南北郊及論明堂宗廟毀建昆丘有證魏志

職太廟事

晉政立太廟擊虞為祠部郎職其事職類

才應禮樂

晉許允之字之奇才應禮樂擢為祠部郎同上

議有故實



後魏裴脩蕙祠部曹每有疑議撰斟酌咸有故實北史

不度僧道

宋陳襄字述古號古靈先生判尚書祠部時譯經僧法護遺表度十僧趙槩奏列子廟二年度道士襄皆執奏不行神宗實錄

不阿秦檜

宋胡寧文定之子遷祠部員外與秦檜議論不合時燼為樞密檜問兒子近除如何寧曰外議以公相必不襲秦京之迹檜怒以言童罷紹興正論

論樂舞非古

姚察為尚書祠部員外舊魏王肅奏祀天地設官懸之樂八佾之舞至梁武帝以為事人禮經事神禮簡古無官懸之交陳初

承用莫有指為皇帝欲權樂付有司立儀以梁武為非時碩學名儒咸希言察乃傳引經籍獨違群議據梁樂為是當時莫不歎服

引經論薦新

趙彥若遷祠部員外郎先是宗廟薦新仲秋用芡萌未經易以蒲白彥若曰蒲春始生可食秋則過時不可以薦乃據引經傳改從春薦國史

古今文集

雜著

與祠部陸員外書

韓愈

執事好賢樂善孜孜以薦進良士明白是非為已任方今天下



一人而已愈之獲幸於左右其足迹接於門墻之間陞乎堂而  
 望乎室者亦將一十年于今矣念慮所及輒欲不自疑外竭其愚  
 而道其空况在執事之所孜孜爲已任者得不少助而張之乎  
 誠不自識其言之可采與否其事則小人之事君子盡心之道  
 也天下之事不可遽數又執事之志或有待而爲未敢一二言  
 也今但言其最近而切者爾執事之與司貢士者相知誠深矣  
 彼之所望於執事執事之所以待乎彼者可謂至而無間疑矣  
 彼之職在乎得人執事之志在乎進賢如得其人而授之所謂  
 兩得其求順乎其必從也執事之知人其亦博矣夫子之言曰  
 舉爾所知然則愈之知者亦可言已文章之尤者有侯喜者侯  
 雲長者喜之家在開元中衣冠而朝者兄弟五六人及喜之父

仕不達棄官而歸喜率兄弟操耒耜而耕于野地薄而賦多不  
 足以養其親則以其耕之暇讀書而爲文以干於有位者而取  
 足焉喜之文章學西京而爲也舉進士十五六年矣雲長之文  
 執事所自知其爲久淳重方實可任以事其文與喜相上下有  
 劉述古者其文長於爲詩文麗而思深當今舉於禮部者其詩  
 無與爲比而又工於應主司之試其爲人溫良誠信無邪佞詐  
 妄之心強志而婉容和平而有立其趨事靜以敏著美名而負  
 屈稱者其日已久矣有韋群王京兆之從子其文有可取者其  
 進而未止者也其爲人賢而有材志剛而氣和樂於薦賢爲善  
 其在家無子弟之過居京兆之側遇事輒爭不從其令而從其  
 義求子弟之賢而能業其家者群王是也凡此四子皆可以當



執事者首薦而極論者主司疑焉則以辯之問焉則以告之未  
 知焉則殷勤而語之期乎有成而後止可也有沈杞者張乾者  
 尉遲汾者李紳者張後餘者李翊者或文或行皆出群之才也  
 凡此數子與之足以取不望得才實主司疑焉則與辭之間焉  
 則以對之廣求焉則以告之可也往者陸相公可貢士考文章  
 甚詳愈時亦幸在得中而未知陸之得人也其後一二年所與  
 及第者皆赫然有聲原其所以亦由梁補闕肅王郎中礎佐之  
 梁舉八人無有失者其餘則王皆與謀焉陸相之考文章甚詳  
 也待梁與王如此不疑也梁與王舉人如此之當也至今以為  
 羨談自後主司不能信人人亦無足信者故蔑然無聞今執事  
 之與司貢士者有相信之資謀行之道惜乎其不可失也方公

在朝廷者多以遊燕娛樂為事獨執事眈然高舉有深思長慮  
 為國家樹根本之道宜乎小子之以此言聞於左右也

禮部分掌

四方使客

○舊主客

歷代沿革主客之職周有之漢置尚書郎四人其一主初放單  
 于蕃部蓋主客之任也魏有南主客晉主客分左右南北宋  
 置主客齊梁皆因之隋為主客郎大業改司蕃郎文帝置主  
 客員外郎煬帝為承務郎唐龍朔改司蕃大夫宋主客無所  
 掌建炎二年詔禮部郎官一員兼主客掌諸蕃國朝貢及國  
 信禮物并封襲祭享之事元今史分掌名頭四方便客隸於  
 禮部



古今事實

起家為郎

後漢何遜少有美望公府中十辟一無所就由是名重華夏起家為尚書主客郎

主客稱職

後魏李縉為尚書南主客郎縉前後接對凡十八人頗為稱職

庾對魏使

庾泉之為主客郎對魏使使問泉之曰百姓那家家題門帖賣宅答曰朝廷欲掃蕩京洛克復神州所以家家賣宅魏使縮鼻而不答南史

范接北使

梁范胥為國子博士有口辯嘗兼主客郎應接北使

美其醞藉

匈奴使李道固至詔使主客郎范岫等接對道固等美其醞藉齊春秋

囚其失言

魏收為主客郎接梁使謝琰徐陵時徐陵為散騎常侍使魏魏人授館宴賓是日甚熱主客魏收嘲徐陵曰今日之熱由徐常侍來陵即答曰昔王肅至此為魏始制禮儀今我來聘使卿復知寒暑收大慙齊文襄為相以收失言囚之數日

古今文集

古詩

事文類聚新集

卷之十三

十一



寄王客張郎中

姚合

年長方慕道金丹事參差故園歸未得秋風思難持  
寒拙公府棄朴靜高人知以我齊杖履昏旭詎相離  
吟詩紅葉寺對酒黃菊籬所賞未及畢後遊良有期  
粲粲華省步肩肩旅客姿未同山中去固當殊路岐

律詩

寄王客劉郎中

姚合

漢朝共許賈生賢遷謫還應是宿緣仰德多時方會面  
拜兄何暇更論年嵩山晴色來城裏洛水寒光出岸邊  
清景早朝吟屢思題詩應費幾州錢

寄王客員外郎

姚合

蟬稀蟲唧唧露重思悠悠靜者多便夜夏家不見秋  
同歸方欲就微恙幾時瘳今日滄江上何人理釣舟

新編古今事文類聚新集卷之十三

事類彙編

卷之十三

二十六冬



漢置五曹未有主  
兵之任魏置五兵尚書謂中外兵騎兵別兵都兵也晉太  
始中有五兵尚書宋齊梁陳皆有之後魏置七兵尚書後周  
置大司馬卿一人隋改兵部尚書唐龍朔元年改司戎太常  
伯咸亨復光宅改夏官尚書補龍復天寶改武部尚書至德  
復掌武官選舉總判兵部職方駕部庫部事其分領選舉亦

新編古今事文類聚新集卷之十四

南江 富大用 時可 編

金陵 唐富春 子和 刊

六曹部

兵部尚書

歷代沿革 兵部尚書周之夏官太司馬卿也漢置五曹未有主  
兵之任魏置五兵尚書謂中外兵騎兵別兵都兵也晉太  
始中有五兵尚書宋齊梁陳皆有之後魏置七兵尚書後周  
置大司馬卿一人隋改兵部尚書唐龍朔元年改司戎太常  
伯咸亨復光宅改夏官尚書補龍復天寶改武部尚書至德  
復掌武官選舉總判兵部職方駕部庫部事其分領選舉亦



為三銓如吏部宋尚書掌武舉民兵廂工軍鹵簿及蕃夷官  
 負承襲之事凡聯其什伍而教之戰兵部武選之制倣貢舉  
 法若遣將出兵露布奏捷必告於廟其屬有二曰職方郡縣  
 地圖蕃夷歸附之事隸焉曰駕部輦輅車乘廐牧驛傳之事  
 隸焉曰庫部軍器儀仗鹵簿供帳之事隸焉元豐五年九月  
 詔應汾邊義勇保甲事並隸樞密院其餘民兵悉隸兵部建  
 炎三年併衛尉寺歸兵部元仍唐宋舊置兵部掌兵籍軍器  
 鎮戍廐牧鋪驛車輅儀仗郡邑圖志險阻障塞之事置令史  
 分掌名頭以尚書為長

羣書要語四曰夏官其屬六十掌邦政周禮乃立夏官司馬使  
 帥其屬而掌邦政以佐王平邦國夏官司馬掌邦政統六師平

邦國周官矧惟若疇圻父薄違注圻父司馬也祈父子

王之瓜牙詩睢鳩氏司馬也左傳夏官太司馬之職掌以九伐

之法正邦國制軍誥禁以糾邦國領校人牧師職方司兵之屬

即今兵部之任也通典尚書太司馬亦曰夏卿職林太司馬者

武官也大總武事訓馬為武者取其健行釋名兵部為西曹崔

融選人議惟茲夏官實掌戎政白唐易行柳公綽制緝熙九法

董正六師孫逖授李林甫制九法以正邦國蔡謨讓五兵尚書

疏中臺政事所出兵部司馬之任南豐擬制夏官掌武超進崇

資楊億代表文昌七兵之秩同上周禮命卿司馬掌國征之事

賡表類恭守戎曹訓齊武郡簡稽之務軍國是殷許公集周之

九法歷代用焉故夏官之重位高久虛錢坳授陸辰兵部尚書

皇文類聚新集



制武選隸於天官兵政總於樞輔故司馬之職獨省文書東坡  
表掌天下兵衛武官選授之政令凡軍師戍卒之籍山川要害  
之圖廐牧甲仗之數六典

古今事實

為縉雲

黃帝夏官為縉雲史記

觀鳳凰

黃帝坐玄扈之樓上與司馬容光臨觀鳳凰之至河圖

以三公頌

周成王時畢為三公兼頌司馬之職釋名

為宰相兼

唐姚崇為宰相兼兵部尚書屯戍斥堠士馬儲械無不暗記唐書

南省視事

唐李輔國為兵部尚書南省視事使武士戎裝夾道唐書

岐路大用

唐朱泚為兵部尚書自得岐路必當大用封川多方沮之同上

數訪時政

唐王起字舉之為兵部尚書文宗數訪逮時政起因積雨願寬

逐臣唐職林

召入坐語

宋黃中為兵部尚書兼待讀每常入直上常先遣人候視至則  
亟召入坐語從容月必一再見公知無不言朱文公撰黃端明碑



居榮尚簡

唐李懷遠除兵部尚書雖入居榮位而彌尚簡率常乘款殷馬左僕射豆盧欽望曰公榮貴如此何不買駿馬乘之荅曰此馬幸免驚蹶何假別求聞者歎美通典

指樹而懷

唐吳湊為京兆尹以能政兼兵部尚書街樹缺所司植榆以補之湊曰榆非九衢之玩亟命易之以槐及槐陰成而湊卒人指樹而懷之

奏停參辭

唐令狐楚諸道新授方鎮節度使等執弓弩帶器仗就尚書省兵部參辭楚奏軍國異容古今定制事不由舊斯為改常未聞

省閣之門忽內弓刀之器鄭注外蒙恩寵內蓄兇狂首創奸謀將興亂兆致王播郭行餘之輩敢驅將吏直詣闕庭震驚乘輿騷動京國雖既往不咎而其源尚開伏乞速令停罷如須參謝即具公服從之

坐失軍容

唐元宗初即位十一月講武於驪山兵部尚書郭元振坐虧失軍容將斬以狗張說於馬前諫曰元振有功於社稷雖軍令不可加刑乃配流新州

疏劾亂行

宋祀南郊蘇軾以兵部尚書為鹵簿使上因太廟宿齋行禮畢特至青城忽有赭傘犢車并青蓋犢車百餘乘衝突而來公呼



御營巡檢使立車前曰西來誰何敢爾亂行曰皇后并其國太夫人某太長公主也公即於青城上疏劾之明日中使傳命申勅有司嚴整仗衛言行錄

論制狄道

宋兵部尚書王庶論制狄之道在於民周文主問太公以為國太公曰愛民而已兵書無不本諸愛民者上歎曰大臣才也遂拜樞密副使中興係年錄

古今文集

雜著

為楊執柔讓夏官尚書表

李喬

光寵載臨震悸交集臣某中謝臣學無所成志不遠及徒以憑

託霄漢接南陽之近親感會風雲附西京之外戚遂得叨恩藉幸服冕乘軒將燕雀而同化共鸞鳳而並翼自升榮軒闥接武卿士徒發河海之象竟乏消塵之效竊位妨賢自其屏黜循涯揣分敢希超獎而聖造不貲天波累洽仍降非常之澤更申踰等之命豈惟連芳八坐上比七星固亦分職五曹專司九法昔虞登百揆命喉舌之官晉簡庶僚崇元凱之秩自時厥後此選允難自非宿望通才高賢舊德何以別邦國之大典膺腹心之所寄臣尸忝無成實彰於既往朽劣不逮難冀於將來雖輸報有心而勉勵無術寧敢自安時謗屢玷國猷綜理機衡搜擇才俊而至公之道未廣於翹薪則作哲之明近謬於庸菲恐人物解體衣冠失望伏乞暫迴冲鑒俯絕過恩更弘尚德之舉不矢



能官之授則濟濟庶寮自有脫於多士區區庸鄙倘無譏於侯

為歐陽通議夏官尚書表

李嶠

非常之恩忽萃庸朽顧匪服而增覲奉如絲而自失臣通中謝  
臣聞思皇多士必求於俊又惟帝念功不寄於保庸臣識量凡  
淺志業空廢之刀筆之吏能無俎豆之經術徒以精勞為忝又  
官成資承日月之末光露雨露之弘貸文士之組每慙於假竊  
尺一之制更獎於庸微俛仰慙惶屏營反側夫以天臺峻密帝  
猷殷曠端揆隆於八座樞衡總於萬機非夫才賢孰能綜理况  
周官司馬有甲兵之職漢服珥貂兼喉舌之任歷觀前載此選  
尤難安可以構櫟散材瓶筍小器比德陳劔差蹤鄭履豈無慙

於謬寵實有懼於妨官今聖曆惟新王化資始天土其代帝難  
所急伏願特寢過恩苟求實用塞多幸之路開至公之道則巨  
鱗縱壑朝有得賢之頌惟鵠在梁臣無濫官之責

兵部尚書壁記

杜頤

周官大司馬即今兵部尚書屬掌邦國之政以九法封國以九  
伐正邦以籍我畿以倡我牧弘有萬類阜成兆民討謨戎馬之  
事密勿鈞衡之地自我唐受命訖于今居夏官者眾焉或列於  
台階者蓋寡矣所以任必以親以德以勲以賢穆如清風翼我  
玄化率惟茲有典用保又有邦二十一年冬十一月詔工部尚  
書李公典之政敷以時道濟於物優游學府蔚為祠宗以公族  
之英受親賢之寄屬冢宰虛位官更要才載委天衡是掌邦理



東巡歲夏四月皇帝將崇厥德報厥功乃命再從兄開府儀同  
 三司持節朔方節度副大使兼禮部尚書上柱國信安郡王禕  
 禮樂天付衣冠不秀忠以匡濟文以經綸謀明道高功格化洽  
 昭乃王度簡于帝心九命可以見其賢四征可以觀其績鎮朔  
 方以無名之討八年而正虜攻石堡以不陣之師丁旬而戎  
 狄懾服榆關之役用兵以奇故杖鉞而兵勝大河之戰戒軍以  
 嚴故坐帷而軍捷建奉常之禮則神人叶上下和從夏卿之政  
 則萬國平六卿睦辨九州之國知其奸宄同其貫利掌六馬之  
 物駕理以則講獻以時握五兵之要以辨功理以待軍事此九  
 職司馬政之所統也王勤政以和是以戎翰允輯拒旅以蒐舍  
 禽以苗理治以彌大閱以狩此四田司馬教之所被也王敦教

以就禮是以祀典孔明初則以法示其令也終則以伐明其德  
 也九功惟序九序惟歌是用陳既往之烈徂今來之美以書于  
 屋壁

兵部長貳題名記

周必大

大小司馬著於周官歷代沿革可考也本朝倣唐六典曰兵部  
 凡民兵廂軍蕃兵剽負武舉投試武藝金吾衛司人兵及大將  
 出征告廟破賊露布鹵簿字圖若蕃夷屬戶授官封之事皆主  
 之曰職方凡天下地圖城隍堡寨烽候之數蕃夷歸明內附之  
 事皆主之曰駕部掌凡輦輅車乘廐牧雜蕃乘具傳驛之政令  
 辨其出入之數曰庫部掌凡軍器儀仗鹵簿法式隨軍防城什  
 物及凡供帳之事是為四司而其主判率用他官所謂長貳姑



以寄祿而已。尚書今銀青光祿大夫也。侍郎今正議大夫也。位序既高，非罕執侍從。鮮能至。故方任事時，自揚乃職，有如歸班，猶弗敢替。盡規之義，名公鉅卿，磊落相望，抑有由也。元豐肇新官制，尚書從二品，侍郎從三品，實坐曹治事，名稱正矣。而武選隸天官，兵政歸西府，其職視唐猶簡。況於成周乎？雖然，古號六卿，今日近臣，使其告猷，可以沃上心，陳力可以大厥官，則天下國家將陰受其賜焉。在事之繁簡也，若乃自畫于有司，視成於胥吏，縱法不爾繩，課不爾殿，得而無而乎？某五年之間，兩以他官承攝，惟亞夫秋遂，員真秩，恩厚而能薄，身勤而才不逮。夙夜以思，何忍如之。暇日視別部，率有壁記，紀前人名氏，乃起中興之元，逮今五十年，得長貳百人，而兼行其事者，在焉。抵悟疏略。

有所不免。大槩具是矣。元祐二年始置權侍郎，從四品。明年置權尚書，正三品。崇寧改元，遵元豐之舊。建炎四年復權侍郎，紹興八年又復權尚書。而建炎二年嘗詔六曹，惟吏部備官，餘長貳互置。近歲以來，乃或並除，損益時也。何常之有？故具列于上。俾來者得攷觀焉。淳熙三年十一月記。

青州謝上表

歐陽脩

掌國五兵，叨進中臺之秩。宣風一而，俾綬東土之人。祗荷寵榮，徒知殞越。臣某中謝。伏念臣學非通敏，材實空疎。幸逢千載之休明，誤被三朝之獎擢。陪法從常，與政機國。恩未報而身已先衰，世塗可畏。而命亦多蹇。頃緣災疾，遂決退休。敢期上慙於皇慈，未忍遽捐於舊物。而復過承優渥，以慰癯殘。惟孤拙之無



踐蹈艱危而已甚世之所榮者臣之所懼人以為寵者臣以為憂是故輒殫悃之誠累黷高明之聽迫於危慮固避煩辭而聖度并容寬其罪戾恩言屢降譬以叮嚀知成命之難回勉覲顏而祇受而况全齊舊壤負海輿區民俗富完而鑿井耕田各安其業詔條寬大而奉法守職足以脩官內省庸虛奚盼泰幸此蓋伏遇皇帝陛下日新求治天覆推仁謂簪履雖為於賤微尚堪收錄而大馬苟豐于養猶可使令臣敢不策勵疲羸勤思夙夜庶期盡瘁以答鴻私

兵部侍郎

歷代沿革 兵部侍郎 周官夏官小司馬中大夫也 漢以來有尚書侍郎 後周依周官 置兵部侍郎 因之 龍朔為司戎少

常伯 光宅中為夏官侍郎 後復故舊制 一員正三占 總董元年加一員 掌武選地圖車馬甲械之政令 凡軍以籍統隸者 閱習按試選募 正名除許將試 兵部侍郎自此始也 元仍之置兵部侍郎

羣書要語 小司馬之職 周禮 析父之貳 夏卿之亞 張九齡為裴

光庭碑 入亞六卿共行司馬之法 出鷹九命俱受元戎之律 伯樂州記 惟茲夏官實掌戎政 簡稽調補 今方其時 司馬貳卿 佐平邦國 自集除 柳公緯 兵部侍郎制 六卿之亞皆高選也 而夏官實主武事 還貳析父用均爾勞 曲阜除陳垣制

古今事實

未幾拜相



蔣伸字大直為兵部侍郎宣宗雅信愛伸每見咨天下得失伸  
三起三留曰他日不復對卿矣伸不喻未幾拜相云

仍令知選

盧承慶遷民部侍郎太宗尋令檢校兵部侍郎仍知選事承慶  
辭曰選事職在尚書臣今掌之便是越局太宗不許曰朕今信  
卿卿何不自信也

父子同省

唐崔湜為兵部侍郎父挹為兵部侍郎父子同為南省副貳有  
唐未有

祖先有勲

唐衛次公為兵部侍郎選人李勣徐有功之孫名在黜中公召

而謂曰子之祖先勲在王府豈限常格並優秩而遣之

能紹祖英

唐盧元輔端靖介正能紹其祖英本傳

故有家風

唐太宗以楊洪禮有文器材擢為兵部侍郎入參機務出統眾  
攻戰太宗曰越公兒郎故有家風矣

弘武諷帝

唐楊弘武為司戎少常伯遷西臺帝嘗謂曰爾在戎司授官多  
非其才何耶弘武曰臣妻剛悍此其所屬不敢違以諷帝用后  
言帝笑不罪

韋澳論諫



唐草澳遷兵部侍郎與同寮蕭實深為宣宗所遇每二人同直無不召見詢訪時政有邦國刑政大事中使傳宣草詞澳心欲論諫却曰此一事須降御札方敢施行遲留至且必論其可否上皆多從之

條奏八事

宋許將入為兵部侍郎條奏八事以為兵之事有三曰禁兵曰廂兵曰民兵馬之事有二曰養馬曰市馬曰牧馬兵器之事有二曰繕作曰給用東都事畧

首奏四事

宋周文忠公權兵部侍郎首奏四事曰重待從增臺諫擇監司郡守又任監司郡守上曰皆今日要務也言行錄

手畫形勝

宋王敏節庶為兵部侍郎對便殿口陳手畫秦隴形勝利害上大喜即日遷兵部尚書北盟會編

密言恢復

宋周簡惠公葵除兵部侍郎元頴亮斃張公自督府來朝密言恢復公請對謂不可輕舉累數千言上唯唯五月敗書聞上思公言以左中大夫叅知政事平園集

力詆和議

宋兵部侍郎張燾力詆拜詔之議秦檜患之燾託疾在告檜使獲焯諭之曰北扉闕人上欲以公為直院宜早出燾大駭曰愈不敢出矣若使草國書豈能曲狗意哉燾嘗思之不過一去



檄不能奪遂止

中興係年錄

氣折羣醜

宋李文敏公祁召為兵部侍郎苗劉反露刃宮門上登樓撫諭公亟趨前叱苗劉等兇醜稍息公扣宰相朱勝非問計策傳等皆在公反覆鑄誥人為公危公無懼色太后垂簾勝非奏變故以來能助朝廷者惟李祁鄭毅乃除公翰林學士上賜親札略曰卿毅然正辭氣折羣醜萬衆動色具臣靦顏周益公集

古今文集

雜著

上兵部李侍郎書

韓愈

十一月九日將仕郎守江陵府法曹參軍韓愈謹上書侍郎閣

下愈少鄙鈍於時事都不通曉家貧不足以自活應舉貢官凡二十年矣薄命不幸動遭讒謗進寸退尺卒無所成性本好文學因困厄悲愁無所告語遂得究窮於經傳史記百家之說沈潛乎訓義及復乎句讀磨磨乎事業而奮發乎文章凡自唐虞已來編簡所存大之為河海高之為山嶽明之為日月幽之為鬼神織之為珠璣華實變之為雷霆風雨奇辭奧旨靡不通達惟是鄙鈍不通曉於時事學成而道益窮年老而身益困私自憐悼悔其初心髮先齒豁不見知己夫牛角之歌辭鄙而義拙堂下之言不書於傳記齊桓舉以相國叔向攜手以上然則非言之難為聽而識之者難遇也伏以閣下內仁而外義行高而德鉅尚賢而與能哀窮而悼貧自江而西既化而行夫今者入



守內職為朝廷大臣當天子新即位汲汲於理化之日出言舉  
事宜必施設既有聽之之明又有振之之力審戚之歌駿明之  
言不發於左右則後而失其時矣謹獻舊文一卷扶樹教道有  
所明白南行詩一卷舒憂娛悲雜以壞性之言時俗之好所以  
諷於口而聽於耳也如賜覽觀亦有可采于黷嚴尊伏增惶恐  
愈再拜

辭免兵部侍郎奏狀

周必大

褒遷過分震懼靡寧臣竊以本朝置待從官特異前代蓋欲其  
精白一心論思獻納增重王國非專使治有司之事而已自元  
豐改官制雖稍循周唐舊典分治六曹然班列浸高職業猶簡  
委用之意夫豈徒然若時夏官尤號清選臣以凡庸之質荷特

達之知五年之間兩兼攝貳畧無補報有玷周行至於寓直禁  
林執經崇政最為華近今悉冒居陛下虛心以求議論而臣喑  
無一言陛下勵精以集事功而臣懦不舉職尚寬汰片已足保  
全復用何名更叨真拜而况早來奏對之際備聞天獎雖未披  
於心腹已灼知其肺肝伏望聖明矜其自量非敢飾避特反惟  
行之令誓堅圖報之心

謝兵部侍郎兼直學士院表

周必大

通班內閣已塵次對之華列屬中臺復冒亞卿之寵申命鑿坡  
之直增光禁路之游稽首拜嘉省躬知愧臣某中謝臣竊以司  
戎任重視草才難自非文武之兼資曷副國家之遴簡歷考正  
元而後惟陸贄衛次公之並文載稽南渡以來有汪藻蔡密禮



之故事如臣末學難企前修徒夙幸於遭逢獲徧儀於清要愚  
 蠢倥偬之性每辱照知荒唐駢散之詞數蒙嘉獎首尾纒經於  
 五載攝承兩替於七兵未嘗明又假之心矧敢覬為真之命橫  
 黃金之帶驟拜新榮上白玉之堂更仍舊貫大恩所被小已奚  
 堪此蓋伏遇皇帝陛下剛健時行緝熙日就運堯帝之德而奄  
 有四海方懋乃聖乃神之功立周王之政而灼見俊心不輕常  
 伯常任之選孰云儒綬叨此詔除况資翰墨之所長尤匪疲驚  
 之可稱臣敢不竭其忠盡濟以靖共體元豐肇正於官名願效  
 論思之實念開寶初增於禁直勉圖潤色之工萬分可酬九項  
 何憚

謝除兵部侍郎表

汪藻

東省瘼官方折病免中臺分職乃誤優遷資逢世以非宜寵逾  
 涯而益懼中謝伏念臣江湖遐裔童句小儒材不過庸僅及下  
 中之品學雖忘老安知左右之原偶陪多士之遊幸備公朝之  
 選徧誇清貫遂綴通聯旋遭值於干戈獲奉承於羈勒才因事  
 見初無橫章之功裁與衰期乃有負薪之疾屢投誠於魏闕將  
 歸臥於漳濱猥蒙內史之書俾貳文昌之秩戎昭所繫儒綬奚  
 堪茲茲伏遇皇帝陛下睿智有臨憂勤無逸光復祖宗之舊既  
 已配天兼收文武之長未嘗愒日惟臣瑣質負國明恩竭股肱  
 之力而徒有此心譬腹背之毛而何裨於用耗糜廩食羞愧神  
 明不辭勉效於秋毫顧恐溘先於朝露周六典治戎之職雖幸  
 叨居漢九卿賜告之恩終期得請



兵部郎中

歷代沿革周官大司馬屬官有軍司馬下大夫蓋郎中之任也

魏有五兵郎曹曹有七兵皆置郎中宋有中共外兵騎兵後

省騎兵齊因之梁陳有左右中兵左右外兵騎兵郎曹皆置

侍郎亦郎中任也後魏因梁陳舊制初為兵部侍郎又改兵

曹郎唐武德改兵部郎中龍朔改司戎大夫咸亨光宅神龍

隨曹改復宋初除潘良器本曹所治之事郎中員外部參掌

之建炎三年併省冗職以兵部郎中兼職方元置兵部郎中

羣書要語既添夏官之屬元和制詰夏官之制既參戎事之設

擢受五兵之部司武之屬重于文昌並同上七兵之曹郎

吏之選其寵南豐潘良器制姑寵七兵之秩用服一臺之華明

文恭曰公弼制

外兵之員郭輔制夏卿首曹中臺妙選張鼎制

往踐五兵之屬公混行周思永制兵部郎中一員一在特從不

居外省元微之行楊嗣復制

古今事實

奏決若流姚崇為夏官郎中契丹擾河北兵檄議進崇奏決若流武后賢

之拜侍郎

公務脩整

唐裴光庭轉兵部郎中既歷清要人未之許及在職公務脩整

衆皆嘆服

所歷有聲

事文類聚新集



唐盧奕懷慎之子與兄渙齊名開元中任京兆司錄參軍天寶初為鄂縣令進兵部郎中所歷有聲皆如渙之所治也

吏幹有稱

李愷歷兵部郎中愷有吏幹明於凡案甚有當官之稱

掌判帳判簿

唐兵部郎中二員一員掌判帳及天下武官之階品衛府之名數一員掌判簿以總軍戎差遣之名數唐制

掌勳官簿書

掌武職勳官三衛及兵士簿書朝集祿賜假告差發武職告身

掌告身令

蕭愿梁宰相傾之子性淳謹承事父母未嘗不東帶而見然性

嗜酒無節職事弛慢為兵部郎中日掌告身印單恩之次頗怠職事父傾為吏部尚書代愿視印篆其散率如此五代

兵部員外郎

歷代沿革周官太司馬屬官有司與司馬上士後周依焉蓋員

外郎之任也隋開皇六年置兵部員外郎煬帝改兵曹承務

郎唐改兵部員外郎龍朔三年改司戎員外郎咸亨光宅神

龍隨曹改復宋諸司員外郎正七品兵部本曹所治之事員

外郎參掌之元仍唐宋舊置兵部員外郎

羣書要語員外郎二人一人掌貢舉及雜請之事凡應舉之人

有謀略才藝平射筒射皆待命以舉若州府歲貢皆勘貢文狀

而引試焉一人掌選院謂之南選曹每歲選人有解狀簿書資



事文類聚卷之十四 六典 律言生本

歷考課必由之以覈其實乃上三銓進用則書焉

古今事實

嘉貞詳決

唐張嘉貞為兵部員外郎時功狀盈九郎吏不能決嘉貞為詳處不閱旬庭無稽牒

正倫賢者

唐魏徵薦杜正倫擢兵部員外郎太宗勞之曰朕舉賢者非朕獨私以能益百姓也唐書

古今文集

雜著

兵部郎官題名記

周必大

本朝除郎之路雖廣而其要有三。第一也寺監丞二也監司郡守三也近歲空其二卿監或可徑至而郎非歷監司郡守不可得其不輕而重也較然矣司馬列屬四中與初僅嘗備官建炎二年夏始以駕兼庫以兵兼職方其選清故平居無事多處文學之臣其權重故從軍若將命則往往假以為寵此其大略也隆興改元之五月復裁內外官於是駕部又當省而郎適替讀王府有詔聽留需其遷勿補厥後間嘗並置要為有故而一員之制定矣其既與聞夏官之政乃刻長貳題名會同舍郎亦告石具以辭見屬老矣不文咕嚕莫能措姑效掌故彙前人名氏且粗記其因革云淳熙三年十一月十日周某記

事文類聚卷之十四

六典

律言生本



兵部分掌

儀仗

○舊庫部

歷代沿革 周禮夏官有司甲下大夫為司戈盾弓矢之長各辨其物以待軍事皆庫部之任也魏始置庫部郎晉以後有郎中後周有小武藏大夫隋初為庫部侍郎煬帝為承務唐龍朔改司庫大夫咸亨復又為庫部員外郎龍朔以來隋曾改復六典宋駕庫二部皆無所掌建炎中以駕部兼領元兵部令史分掌各頭

羣書要語

錄

古今事實

掌戎器

唐庫部郎中員外郎掌戎器鹵簿儀仗唐書

皆有美譽

唐陸象先弟景倩景融景歡景裔歷河南令庫部郎中皆有美譽僧一行少時與象先兄弟相善嘗謂人曰陸氏兄弟皆有才行古之荀陳無以加也甚為當時所稱

示有止足

唐孔若思明經舉遷庫部郎中若思嘗謂人曰仕至郎中足矣至是持一石水滿於坐在以示有止足之意唐書

固辭不拜

宋江智深元嘉末除庫部郎中時高流官序不為臺郎智深門孤援寡獨有此選意甚不悅固辭不拜



詭對稱善

宋文帝宴會有荒外歸化人在坐帝問尚書庫部郎中顧琛曰  
庫內仗有幾許琛詭對曰有十萬人仗舊武庫仗多秘不言帝  
既問悔失言及琛詭對善之

古今文集

古詩

寄贈庫部王郎中時充折糶使

盧綸

諤諤漢名臣從天令若春敘辭皆詔旨稱官即星辰草木承風  
偃雲雷施澤均威懲治粟尉恩洽讓田人泉貨方將散京抵自  
此陳五管俱無龜千里不停輪米遠金門籍旋清土塞塵碩儒  
推慶重良友頌功類鶴髮逢新鏡龍門躍舊鱗荷君備有問深

感浩難申

兵部分掌

驟慢置鋪驛走過馬數 承發司文字  
車輅 合給牌劄 廐牧

○舊駕部

歷代沿革 周夏官之屬有輿司馬有校人主馬之官有牧師掌  
牧放布巾車掌公車之政及王之五輅皆駕部之任也魏晉  
尚書有駕部郎宋駕部屬左民尚書齊因之後魏與北齊並  
曰駕部郎中隋曰侍郎屬兵部唐龍朔改司輿大夫咸亨復  
故天寶中改司駕至德復故宋駕部司事一人以無職事朝  
官充輿輦車乘隸於太僕傳驛給受一出於樞密院廐牧之  
政總於羣牧司本司無所掌元豐改制郎中負外郎始實行



本司事交掌輿轡車馬驛置廐牧之事大禮則戒有司具五  
輅凡奉使之官赴闕視其官職及所治事給馬如格官文書  
則量其遲速附馬步急遞應內外監牧租入多寡孽產登耗  
皆檢察焉建炎三年以駕部兼庫部復併太僕寺歸駕部  
與元年復裁內外官於是駕部又當省而郎適贊讀王府有  
詔聽留盡其遷勿補厥後間或一置而一員之制定矣  
之兵部令史分掌名頭無專曹官

羣書要語夏官輿司馬 周禮 權司輿馬之政 初察除李倫制輿

馬輦乘之奉郵驛圍牧之治中臺要務主以郎官 南豐擬制

胄弓矢之器乘輿函簿之式武藏之任郎選其高 南豐駕部兼庫部制

詩句 幽閑靜境別無事惟有南宮老駕兒 白居易贈駕部吳郎

古今事實

孝昭閱簿

北齊馮子琮為駕部郎中攝庫部孝昭帝曾閱簿領試令口陳  
子琮聞對無有遺失 分紀

楊素拊床

李靖在隋為駕部員外郎左僕射楊素拊床謂曰卿終當坐此  
公義竭忠

隋辛公義為駕部郎勾檢馬牧所獲十餘萬匹帝嘉曰唯我公  
義奉國竭忠 通典

元亮清謹

崔元亮字晦叔為駕部員外郎清謹介特澹如也 本傳



如慶美官

唐畢緘字存之為駕部員外郎故事勢要家人以倉駕一雷為厚緘沛然如處美官本傳互見倉部

不博前行

中行刑戶不博前行駕庫唐國史補

古今文集

律詩 駕部鄭郎中二十个丈君貳東周榮加金葉谷以表

派之外恩舊事深因賀選

鄭谷

香浮玉陛曉辭天袍拂蒲茸稱少年郎署轉曹雖久次京河亞尹是優賢縱游雲水無公事貴買琴書有奉錢今日龍門看松雪探春明日向平泉

十四卷終

新編古今事文類聚新集卷之十五

南江

富大用

時可

編

金陵

唐富春

子和

刊

六曹部

刑部尚書

歷代沿革 刑部尚書周之秋官卿也漢成帝時尚書初置二千石曹主郡國二千石又置三公曹主斷獄光武改三公曹主考課二千石曹掌中都官水火盜賊辭訟罪法晉初依漢置三公尚書掌刑獄太康中省三公尚書以吏部尚書兼領刑獄宋始置都官尚書皆掌刑獄後魏北齊皆置都官尚書後周置太司寇卿隋初曰都官尚書開皇二年改為刑部唐龍



朔二年改司刑太常伯咸亨復故武后改為秋官尚書神龍元年復天寶改司憲至德復宋刑部尚書侍郎郎中止為階官尚書掌天下刑獄之政令而侍郎郎中員外郎分治其事元刑部掌律令格式審定刑名奴婢配隸關津機禁城門啓閉之事置令史分掌名頭以尚書為長

羣書要語五日秋官其屬六十掌邦刑周禮司寇蘇公式敬爾由獄以長我王國書立政司寇掌邦政詰奸慝刑暴亂周官乃立秋官司寇使帥其屬而掌邦禁以佐王刑邦國周禮大司寇之職掌建邦之三典以佐王刑邦國詰四方同上司寇正刑明辟以聽獄訟聽之於棘木之下以獄之成告于王記王制大司寇以其成從質於天子同上昔太子僕來奔季文子使司寇出

諸竟左傳子為司寇將盜是務去爽鳩氏司寇也並同上

我五教掌茲三典常衮制掌其二典詰彼四方記室新書趨向

秋典顏魯公集設官分職以司臬事中興題名秋官古卿南豐

擬制中臺八座典司邦禁同上丹筆平刑爰副一人之欽恤賡

奏類淑問之臣掌秋官曲阜制秋卿恤刑事無枉撓又云紹蔽

帶於謳謹畫刑成於法理唐太師令國之二柄在德與刑邦之

三典惟清與慎大舜有欽恤之言穆王有哀矜之教爽鳩之為

司寇務在澤人臬陶之作士師期於致理張鷟云

古今事實

不前僧胤

梁羊侃為都官尚書官者張僧胤候侃侃曰我林非闍人所坐



竟不前之時論美其真正系書

不屈仙客

唐崔隱甫潔介自守以強正稱為刑部尚書帝欲相之也曰牛仙客可與語卿常見否曰未也帝曰可見之隱甫終不請他日又問對如初帝乃不用贊曰嚴挺之拒宰相不肯見李林甫崔隱甫違詔不屈牛仙客信剛者乎二人坐是皆不得相彼亦各申其志也唐崔隱甫傳

覆獄獻歎

唐劉祥道遷司刑太常伯每覆大獄必歎歎累歎奏決之日為之不食

上疏激切

唐顏真卿為檢校刑書永泰中元載引用私黨請百官凡欲論事必先白長官長官白宰相然後聞奏真卿上疏曰天寶後李林甫威權日盛羣臣不先咨宰相輒奏事不過託以他故中傷猶不敢明約百司令先白宰相如今日之事曠古未有陛下不覺悟漸成孤立矣其激切如此於是中人爭寫內本布於外

屈突固辭

屈突通為刑書自以不習文固辭改工部並唐書

隱甫自守見上注

庭無留事

李適之拜刑書夜則宴賞晝決公務庭無留事本傳

刑斷滅久

唐大類彙編卷之五十一  
德壽堂序



唐柳公綽為刑部尚書京兆人有姑鞭婦至死者府斷以償然  
公綽議曰尊毀卑非闕且其子在以妻而戮其母非教也竟得  
減死

領羽林監

梁元帝以沈重領江陵遷都官尚書領羽林監又令於合歡殿  
講周禮後周書

息官省妖

宋徐孝先為都官尚書自晉以來尚書寮皆攜家屬居省省在  
臺城內下舍門中有閣道東西跨路通于朝堂其第一即都官  
省西抵閣道年代久遠多有鬼魅每夜昏之際無故有聲光或  
見人著衣冠從中出尚書周確卒於此省孝先代確即居之經

兩載妖變皆息時人咸以為真止所致

建議違制

宋王文正公曾在審刑日建議違制親被乃坐罪未幾外郡有  
以具獄讞聞童聖俾以違制坐之公以制非親被請從違失上  
可其奏言行錄

疑獄聽讞

宋燕肅字穆之知審刑院先是天下疑獄雖聽奏而州郡懼得  
罪不敢讞故冤獄常多肅建請諸路疑獄皆聽讞有不當者釋  
其罪自是全活者衆東都事畧

議盜殺同黨法

宋韓忠獻琦知審院先是盜殺同黨既自已就捕例不抵死公



日此但并有其賞或就滅其口非有自新改過之心無足於都請更議其法乃詔盜殺其徒而不首者毋得原

奏刑不上大夫

宋蘇頌字子容神宗朝知審刑院知金州張仲宣受財枉法抵死法官援前比貸死杖脊黥配海島公奏古者刑不上大夫今刑為徒隸恐汗辱衣冠耳仲宣由是得免杖黥止流海外自是命官刑無杖黥者

古今文集

雜著

與鳳翔刑尚書書

韓愈

今閣下為王瓜牙為國藩垣威行如秋仁行如春戎狄棄甲而

遠遁朝廷高枕而不虞是豈負大丈夫平生之志願哉豈負明天子非常之顧遇哉赫赫乎泂泂乎功業逐日以新名聲隨風而流宜乎謹呼海隅高談之士奔走天下慕義之人使或願馳一傳或願操一戈納君於唐虞收地於河湟然而未至乎是者蓋亦有說云豈非待士之道未甚厚遇士之禮未甚優請粗言其事閣下試詳而聽之夫士之來也必有求於閣下夫以貧賤而求於富貴正其宜也閣下之財不可以徧施於天下在擇其人之賢愚而厚薄等級之可也假如賢者至閣下乃一見之愚者至不得見焉則賢者莫不至而愚者日遠夫假如愚者至閣下以千金與之賢者至亦以千金與之則愚者莫不至而賢者日遠夫欲求得士之道盡於此而已欲求士之賢愚在於精鑒



博采之而已精鑒於已固已得其十七人矣又博采於人百無一二遺者焉若果能是道愈見天下之竹帛不足書閣下之功德天下之金石不足頌閣下之形容美

謝刑部尚書表

歐陽脩

職清書殿寔為儒者之榮望峻天臺仍忝刑官之重內循謙薄仰玷光華臣某中謝伏念臣質稟迂愚粗知業獲因時幸會遂竊寵榮無拾遺補闕之勤常陪法從非大冊高文之手又廁翰林晚綴宰察俾聞國論荷三朝之眷遇每察懦衷幸四海之清平得容尸祿居滯盈而不戒積災釁以自貽屬聖統之嗣興赫皇明而繼照誣言詰服已大釋於群疑危跡保全俾不虧於素守太馬孟思於報效桑榆奈迫於衰遲屢負悃私上干聰睿遂

蒙開允俾解繁機然而晚節余生本期避寵清資顯秩益更貪榮被優渥之非常但凌兢而失措此蓋伏遇皇帝陛下聖神御極亭育推仁閔孤拙之勢危無容自立謂疲駑之力竭難責遠圖曲軫至慈俯從誠請仍怜舊物特示殊恩顧非木石之頑宜識乾坤之造颯然素領雖難強於筋骸皎若丹心尤自期於塵露

辭免除權刑部尚書狀

吳未叔

臣欽聞出綽愧若踐冰伏念某蜀之鄙人亡所肖似自為青袍朝士已閱九年及玷碧落侍臣亦幾三載制詞共千百篇而經濟少奏對凡十八疏而獻納疎聖恩重於丘山臣報微於毫髮蓋嘗以疾病之連連而請外以鄉邦之顛覆而丐祠謂天益高



會是莫聽乃徑從於小宰遂晉長於秋卿華以一遷重於再命  
 載念士官之所掌寔於國脉而相關舜不賴臯陶之明何以布  
 好生之德周不得蘇公之敬安能審用罰之中必惟良臣始稱  
 公選若冒司於臬事恐紛致於人言欲望陛下矜察愚衷收回  
 成渙量能授職亟改畀於時髦敕法清刑庶共登於漢道小臣  
 獲免曠官之刺陛下不失知人之明

第二辭免

吳永叔

臣聞才為造物之所珍名者道家之深忌一陸以吳中之秀入  
 洛官絕盛而致來兩蘇以西州之彥同朝位益高而謫起矧不  
 令之兄弟亡前脩之典刑而臣擢詞王堂簪筆荷蒙職親地禁  
 終日不離文字之間選妙秩清群才半入銓衡之下唯不能於

鏹采龜不解於韜靈致彼胥讒納之危竄每荷陛下保全之力  
 寔如皇天生育之仁曾未報於隆恩迺復叨於異擢亟騰免曠  
 以俟俞音盼春詔之十行雖荷褒嘉之寵掌秋官之三典終非  
 克審之才敢遜忠賢庶安愚分

第三辭免

吳永叔

切謂文昌高於法從憲部重於諸曹訟牒滋繁非庸敏之才不  
 足以剖析情偽刑章紛委非諳通之識不足以分別科條如某  
 謾學綴文未閑讀律使之討論潤色尚能奏薄技於詞林若曰  
 糾禁議詢何以宅嘉師於王國倘非遜避恐速顛躓伏望朝廷  
 察其被寵之若驚諒其控辭之非僞為敷陳於九陛庶畢達於  
 孤忠俾守舊官亟回新命



刑部侍郎

歷代沿革周之秋官小司寇中大夫也漢以來尚書侍郎後周

依周官隋煬帝置刑部侍郎唐因之龍朔改為司刑少常伯

光宅中為秋官侍郎天寶中為憲部侍郎掌律令刑法覆按

大理及諸司應奏之事宋元豐正名除大理卿崔台符為之

元仍唐宋舊置刑部侍郎

羣書要語小司寇之職掌外朝之政以致萬民而詢焉周禮周

之秋官小司寇中大夫也六典擢亞秋官韓文貳于刑讞劉球

制秋官亞卿曲阜制秋卿之貳佐平邦憲類要秩貳秋官參

執邦典南豐擬制俾踐白雲之司裴敦復制當宣室受讞之際

思滿堂飲酒之言杜牧行李從誨制予曰罪爾勿罪予曰寬爾

勿寬同上小司寇之職以五聽聽獄訟求民情一曰辭聽二曰

色聽三曰氣聽四曰耳聽五曰目聽周禮以八辟麗邦法附刑

罰一曰議政之辟二曰議故之辟三曰議賢之辟四曰議能之

辟五曰議功之辟六曰議勤之辟七曰議貴之辟八曰議賢之

辟同上刑部侍郎一員掌天下刑法及徒隸勾覆關禁之政令

其屬有四總其職務行其制命凡中外咸質正焉唐職官制唐

有大獄即命御史中丞刑部侍郎大理卿充謂之太三司使唐

職林

古今事實

東之相才

狄仁傑薦張柬之宰相才召為洛州司馬仁傑曰臣薦宰相而

事文類聚新集 卷之十五 八 忠言堂



事類彙編 卷之七十五 律書室

為司馬非也乃授司刑少卿遷秋官侍郎張東之傳

棲楚宣授

寶曆初宣中書以諫議大夫劉棲楚為刑侍丞郎宣授自此始唐書

劉瑒統類

劉瑒轉刑侍精於法律選制勅可用者議其輕重成一家書號大中統類奏行之

王播格條

王播轉刑侍精於法律法寺議讞科條繁雜播備舉格條置之座右凡有詳決疾速如神僚屬歎服

道裕言當

唐太宗時刑部侍郎有闕令執政妙擇其人奏皆不可太宗曰朕得其人矣往昔李道裕議張亮云反形未真此言當矣雖不即從至今追悔遂授道裕

韓愈表諫

韓愈為刑侍憲宗遣使鳳翔迎佛骨入禁中愈上表極諫

請輕亡珠罪

宋呂公孺字稚卿元祐初為刑侍原廟亡珠繫治甚久公孺言殿中主者不一前後代者未嘗以服御相授且諱自宮嬪往還不一有所亡豈可指意吏卒獄雖具顧非聖裁不可上深以為然國史本傳

奏斥伶人戲

奏斥伶人戲



元祐中駕幸凝祥池宴從臣伶人以先聖為戲刑部侍郎孔宗翰奏唐文宗時嘗有為此戲者詔斥去之今豈宜有此詔付伶官于理澠水燕談

論執殺人獄

初刑部有劫殺人獄侍郎彭汝勵引例乞加貸配執政不以為是降特旨皆殺之汝勵執不可長編

平反遷官

范百祿字功父除刑部侍郎有以強盜及故殺鬪殺情可矜者讞于朝法官援例貸免司馬光曰殺人不少則法廢矣百祿曰謂之殺人則可制刑而以為不疑原情而以為無可憫則不可百祿在刑部用法多所平反遷吏部侍郎東都事畧

平反被賜

陳魯公康伯謚文正蕪刑部侍郎前此有司專用權臣風旨為獄重輕公平反之故家多被其賜言行錄

平反辭賞

張文忠公九成蕪刑侍一日法寺以成案上太辟公閱首未得其情因請覆實囚果誣服者也奏黜之時法官抵罰而朝論欲以為賞公辭曰職在詳刑而賣象以邀賞可乎言行錄

古今文集

雜著

崔嶸刑部侍郎致仕誥

王安石

仕焉而告老者自一命以上必有以慰其歸况吾適臣恩紀所



厚宜增位序以示褒優以爾具官某比以明揚父於煩使入參侍從出備藩維踐更滋多等屬惟允引年辭位得禮之宜進貳秋卿以榮居息古之士者非苟自秩其身唯慎行抵法以勅成王德爾所知也往其懋哉

刑部郎中

歷代沿革 周禮大司寇屬官有士師下大夫蓋郎中之任也漢尚書有三公曹後漢有二千石曹魏有都官曹皆掌刑法獄訟之事晉宋齊並以三公郎曹掌刑獄置郎中一人隋初省三公曹置刑部曹掌刑法置侍郎一人唐因之武德改刑部郎中龍朔改司刑大夫咸亨光宅神龍並隨曹復改宋元豐正名初除胡瑗杜紘建炎詔刑部以一員為額紹興詔見任

郎官依元豐舊法分左右廳治事從右司汪應辰之請也元仍唐宋舊置刑部郎中

羣書要語周禮大司寇屬官有士師下大夫蓋郎中之任也六

宜正秋臺之職進承郎資之務明文恭廖詢制刑者所以助

治聖人允謹中臺參綜郎選甚高南豐除韓晉卿制丹筆議刑

國網作重司職人命是懸歲表類

古今事實

充定律令

魏有定科郎曹買充定律令以裴楷為之職類

韓決奏讞

宋韓胄卿擢刑部郎中天下大辟請讞執政以為煩將劾不應



事類彙編 卷之十一  
讞者晉卿適白事省中因曰讞不至矣議者欲天下獄悉從秦  
決晉卿曰恐罪人之死於獄多於伏辜者皆從之長編

刑部員外郎

歷代沿革 周禮大司寇屬官有士士後周依之蓋員外之任也

隋開皇六年置刑部員外郎煬帝改憲部承務郎唐因之武

德二年改刑部員外郎咸亨光宅神龍並隨曹改復宋因之

元仍唐宋舊置刑部員外郎二人

羣書要語郎中員外郎掌律法按覆大理及天下奏讞為尚書

侍郎之貳唐書亟則失情緩則留獄深則得恕縱則生奸惟是

四者持刑之權元積馮宿刑部員外制

古今事實

小三司使

唐有大獄以刑部員外郎御史大夫大理寺官為之以決疑謂  
之小三司使職林

第一課最

韋夏卿以課最第一轉長安令改刑部員外郎分紀

守法不撓

唐杜景佺為刑部員外郎守法不撓本傳

遺直何加

令狐岨大曆中為刑部員外郎上疏諫山陵事詔答曰古之遺  
直何以加焉本傳

又請小秩

事類彙編 卷之十一



杜牧頃於宰執求小儀不遂請小秩又不遂尚書故實  
可當是選

侍御史王鑑自居殿中能察非法連鞫庶獄多協平允加以温

敏靜專可當是選一歲之獄決在秋冬今方其時宜敬乃職居

易任鑑刑部員外制

秩進知州

至道初張昞為刑部員外郎西川安撫奏望授昞諸司使知雅州以上省郎之重不欲換他職故進秩加賜令服而遣

例裁刑部

元祐元年三省言中書置刑房檢例官從之獨刑部員外郎劉晏上疏言元豐官制以例裁刑部可比則取欵不可則取官今

非故事詔如所請而例復裁刑部自是中外奏讞無所避矣九  
朝通畧

刑部分掌

關津譏察 城門啓閉

○舊司門

歷代沿革 周禮大司徒屬官有司門上士司門下大夫後周依

周官有小司門隋開皇置司門侍郎煬帝去待字又置員外

郎又改承務郎唐因之加中字龍朔改司門大夫咸淳復宋

因之元刑部令史分掌名頭無專曹官

古今事實

羣書要語 司門掌授管鍵以啓閉國門周禮  
掌出入闕遺



郎中員外郎掌門關出入之籍及闌遺之物唐書又掌門籍關棧及道路所闌遺之事

古今文集

雜著

司馬廳壁記

任希夷

門關之設尚矣在周為司門在漢其名少一日戶部曰門侯皆其任也宋朝監省門用內二品元豐中裕陵聖訓內侍者以內與外庭臣僚無交際得以盡情譏察爰自中興駐蹕臨安三省樞密院俱列皇城之內外侍不時至則參之小使臣人微官薄不足以誰何嘉定六年秋始用諫議大夫增置監門官一員以京朝宰邑有治理效者為之初命奉議郎前知嚴州淳安縣楊

恕而內侍由為譏察遵舊制也于時政事之府更葺一新堂宇崇成體勢隆峻嚴嚴翼翼輪焉奐焉至於門無術徑而莫不斥而大之氣象豐美過者祇肅于是更置專官以重其任蓋將謹命令所出之原尊朝廷無競之勢肅于外者若是則嚴乎中者可知施于下者若是則發乎上者又可知矣屈是職者不可思之以稱上旨歟或以語楊君曰听庭退朝飛蓋來下衣繡煌煌車騎雜襲呵道告門先聲震疊又凡出入于斯多達官顯人從以蒼頭廬兒謹謹旁午不特御者洋洋而已司門之官逡巡躡躡兩扉之側其於伺察也不亦難乎又將不有以勸其中乎則生之曰昔蕭望之射策甲科尚為小苑東門侯仲翁以抱關譏之以各從其志其後卒為漢名傳蓋一命以上皆有常職所當



盡吾事而已。奚有於他慕哉。楊君勉之。併以告諸來者。

司門員外郎壁記

權德輿

周官司門為司徒之屬。今為司寇之屬。員外郎於周為上士。後  
數更其名。至隋為承務郎。武德初方定為令制。秩從六品上。大  
凡自漢魏以還。典曹理事。雖時有汙崇。官有輕重。或百職耗廢  
雜而多端。而郎位噉然。未常有鹵莽進越。非其任者。蓋宗公貴  
事多由此。塗出所以儲時才。練官業。必於是焉。方今專書尉候  
通道旁午。而斯任由劇。彭城仲子陵。脩詞以筮仕。說經有師道。  
自博士祠部郎。稍遷于茲。且以南較銓藻之勤。火次而後至。循  
性自牧。闇然君子之道也。况大雅之匪懈。孔門之政事。古誼家  
法。又於講貫。遵脩砥礪。其可量邪。至若門關出入之籍。設險閑

邪之義。譏而不征。守而不紊。列在今典。端如貫珠。故可畧於此。  
仲侯以故志屋壁之隙。欲壞磨滅。使鄙夫書而補之。貞元辛巳  
歲夏六月記。

新編古今事文類聚新集卷之十五

事文類聚新集

卷之十五

十五冬



Blank columns for text on the right page.

新編古今事文類聚新集卷之十六

南江 富大用 時可 編

金陵 唐富春 子和 刊

六曹部

工部尚書

歷代沿革 周之冬官卿也漢成帝初置尚書有民曹主吏人上書光武改民曹主繕修功作鹽池園苑事魏置左民尚書晉宋有起部尚書後周有冬官大司空卿掌五材九範之法隋有工部尚書唐因之龍朔改為司平咸亨復武后改為冬官神龍復摠判工部屯田虞部水部事宋工部判部事一人以兩制以上充凡城池土木工役皆隸三司修造案本曹無所



掌元豐官制行尚書工部掌天下城池宮室舟車器械符印  
錢寶之事百工山澤溝洫屯田之政令是時尚書猶未除入  
紹興三年併少府監歸工部以文思院屬焉按文思院舊屬  
少府監至是以少府監併於工部故文思院監官乃令工部

辟差元工部掌修造營建法式諸作工匠屯田山林川澤之

禁江河隄岸道路橋梁之事置令史分掌名頭以尚書為長

羣書要語六曰冬官其屬六十掌邦事周禮舜曰咨四岳有能

奮庸熙帝之載使宅百揆亮采惠疇帝曰疇若予工僉曰垂哉帝曰俞咨垂汝共工同上宏父定辟

注宏父司空酒誥司空掌邦土居四民時地利周官六職百工

與居一焉周禮審曲尚執以飭五材以辨民器謂之百工同上

鳩鳩氏司空也左傳五雉為五工正同上國有六職百工與居

焉禮考工記程品之重有若百工號令之先尤難不職唐大

詔令冬卿常伯楊億代謝表守臺起曹訓匠建事南豐擬制尚

書漢公卿也言動可否屬人耳目固不專於率四屬程百工修

位於冬官而已白集韋貫之制平百官之上書飭五材以辨器

非國之髦碩詳於典制則不可以綜事訓工建明理本也常集

五材是宜百工惟敘城郭都鄙定其規士農工商得其所記室

古今事實

職在司空

唐張鷟位當玄武之官職在司空之任虞舜之代伯禹統其班  
周成之朝毛公處其地



代為八座

唐閻立本代兄立德為工部尚書兄弟相代為八座時人榮之

長孫稱職

長孫平為工部尚書名為稱職隋書

大義剛烈

李大義為工書性忠謹外若不能言而內剛烈不可干非其義

其者勞績

鄭善果為工部尚書正身奉法其者勞績唐新語

不治產業

于休烈為工部尚書不治產業樂賢下善推轂士其眾並唐書

創軍國器

陳從易為起部尚書巧思過人軍國器械多所創立陳書

構太極殿

初侯景二年殿被焚承聖中議營之獨欠一柱至陳高祖時忽

有樟木大十八圍長四丈五尺流泊陶家後監軍鄒子度以聞

詔中書令沈衆兼起部尚書構太極殿

請斥佞人

宋元符三年曾布之相也御史中丞豐稷欲率臺屬論之遂遷

稷工部尚書稷力丐補外不允謝表有內侍已成於怨府佞人

方刻於秦董之語上問佞人為誰曰曾布陛下斥布則天下事

定矣編年備要

召訪政事



張忠簡公闡擢工部尚書兼侍讀初上用真宗故事命經筵官  
二員遞學士院朝夕宣召商確古今諮訪政事公入對尤數知  
無不言屢引疾丐閑上曰朕所以知外事皆賴尚書工部一書  
相從久忍言去邪

古今文集

雜著

選工部鄭尚書序

韓愈

嶺之南其州七十其二十一隸嶺南節度府其四十餘分四府  
府各置帥然獨嶺南節度為大府大府始至四府必使其佐啓  
聞起居謝守地不得即賀以為禮歲時必遣賀問致水土物大  
府帥或道過其府府帥必戎服左握刀右屬弓矢帕首襜褕迎

郊及既至大府帥先入據館帥守屏若將趨入拜庭之為者大  
府與之為讓至一再乃敢改服以賓主見適位執爵皆與拜不  
許乃止度若小侯之事大國有大事諮而後行隸府之州離府  
遠者至三千里懸隔山海使必數月而後能至蠻夷悍輕易怨  
以變其南皆岸大海多洲島颿風一日踔數千里漫瀾不見蹤  
跡控御失所依險阻結黨仇機毒矢以待將吏撞搪呼號以相  
和應蜂屯蟻雜不可爬梳好則人怒則獸故常薄其征入簡節  
而踈自時有所遺漏不究切之長養以兒子至紛不可治乃草  
薙而禽獮之盡根株痛斷乃止其海外雜國若耽浮羅流求毛  
人夷薑之州林邑扶南真臘于陀利之屬東南際天地以萬數  
或時候風潮朝貢蠻胡賈人舶交海中若嶺南帥得其人則丁



邊盡治不相寇盜賊殺無風魚之災水旱癘毒之患外國之貨  
 日至珠香象犀玳瑁奇物溢於中國不可勝用故選即常重於  
 他鎮非有文武威風知大體可畏信者則不幸往往有事長慶  
 三年四月以工部尚書鄭公為刑部尚書兼御史大夫往踐其  
 任鄭公嘗以節鎮襄陽入帥滄景德隸歷河南尹華州刺史皆  
 有功德可稱道入朝為金吾將軍散騎常侍工部侍郎尚書家  
 屬百人無數畝之宅傲屋以居可謂貴而能貧為仁者不富之  
 效也及是命朝廷莫不悅將行公卿大夫士苟能詩者咸相率  
 為詩以美朝政以慰公南行之思韻必以來字者所以祝公成  
 政而來歸疾也

工部侍郎

歷代沿革周之冬官小司空中大夫也隋煬帝改置工部侍郎

工部尚書統侍郎二人唐因之龍朔改為司平少常伯咸亨

復他時曹名或改而官不易宋元豐正名初除熊本仍宋

制置之

羣書要語百工惟時命汝典制常衮制起曹書殿兼而委之自

集工侍兼集賢殿制南豐擬制共工之貳饒五材程匠事冬官

寵列俾介厥司同上冬官之貳左此得入疇若予工汝為已試

曲阜郭知章制疇若予工汝往為允紀綱繕修之政杜塞淮巧

之作曲阜制

古今事實

有宰相望

事類彙編

卷之十一

德書堂梓



唐李棲筠字貞一為工部侍郎魁然有宰相望本傳

得中書資

帝問蘇頲有工部侍郎得中書侍郎者乎對曰陛下任賢惟所命何資之計唐書

重惜名器

宋太祖重惜名器錢昱自右州刺史求文資得秘書監遷工部侍郎連典數郡無治聲上謂宰相曰此貴家子不可以任丞郎改郢州團練使筆談

求拜退章

宋端拱元年工部侍郎同知朝京官考課雷得驥求致政先是與趙普不協普再入相制下之日德驥方立朝不覺笏墮遂拜

筆求退普之讎也

指陳實事

宋張忠簡權工部侍郎給札侍從臺諫條具時務公上十事時應詔數十人惟公與國子司業王十朋指陳實事斥言權倖無所回隱明自上召兩人對內殿大加稱賞賜酒者再回授御書一軸

首言典學

楊龜山先生時為工部侍郎入對首言自古聖賢之君未有不以典學為務以君德在是故也尋命兼侍讀長編

工部郎中

歷代公董周禮太司空屬官下大夫蓋郎中之任也晉宋齊皆



有起部郎中宋起部郎不常置梁陳改置起部侍郎隋初為  
工部侍郎煬帝改起部唐武德改工部郎中龍朔改司平太  
夫咸亨復光宅神龍並隨曹改復宋元豐正名初除范子奇  
高遵惠元因之置工部郎中

羣書要語冬卿之屬公浚行李徽之制中臺起曹郎選尤重曲

阜制官室城隍程匠度材之事郎於起部其選甚高南豐范子

奇制郎吏今之高選工官號為劇曹張元方制

詩句身覺省郎在家須農事歸杜甫不才名位晚敢恨省郎遲

同上夔府書懷郎官幸備負欲陳濟世策已老尚書郎雖

為尚書郎不及村野人蔡春粉署研並杜詩注公時乃工部  
負郎不能請省徒想其官署之妍美耳

古今事實

掌程式

唐工部郎中負外郎掌經營興造之衆務凡城池之脩濬土木  
之繕葺工匠程式咸經度之六典又掌興造工匠諸公廡舍學  
五行紙筆之事職貢令

知制誥

宋范杲以工部郎中知制誥會要

古今文集

律詩

贈工部郎中

王建

金爐烟裏要班頭欲得歸山可自由每度報朝愁入閣在先教



示少千半

工部員外郎

歷代沿革 後周依周禮制置小司空蓋員外之職也隋開皇六年置工部員外郎煬帝改起部承務郎唐改為工部員外郎龍朔二年改司平員外郎咸亨光宅神龍隨改復宋仍唐舊

元置一八

羣書要語隋朝二十四司各置員外郎一人以司其曹之帳藉昔陶弘景代之高義始願四十為尚書郎而不遂國朝選者尤因其良元積授羅讓工部員外郎制

詩句馨香粉署妍

杜詩注公時為工部員外郎不能請省徒想其官署之美耳 欲陳濟世策已老尚書郎 杜詩 不才名位晚敢

恨省官遲

杜夔府書懷

郎官幸備員

同上

雖為尚書郎不及村

野人同上

古今事實

杜甫獻詩

杜甫有詩名元宗時獻朝響太清宮賦拜官祿山陷京師元宗幸蜀肅宗即位於靈武甫聞關奔詣行在拜左拾遺因房琯罷相甫諫不納請告省家後嚴武辟為幕府拜工部員外郎劍南西川節度府參謀官 本記

蔣係泣諫

蔣係遷工部員外郎又遷郎中宰相宋申錫為北軍羅織罪在不測係與諫官崔彥亮泣諫於玉階之下申錫方減歿時論稱



工部分掌

山林川澤之禁

○舊虞部

歷代沿革

周禮有山虞澤虞蓋虞部之職也魏始有虞部郎中

晉因之

宋齊省梁陳為侍郎隋為承務郎唐龍朔為司虞太

夫咸亨

隋曹改復宋虞部無掌以屯田郎兼之元工部以令

史分掌

羣書要語

山虞掌山林之政令澤虞掌國澤之政令周禮帝曰

疇若予上下草木鳥獸

舍曰益哉帝曰兪咨益汝作朕虞書舜

古今事實

職掌山澤

唐郎中員外郎掌京都衛關苑囿山澤草木及百蠻蕃客時蔬薪炭供頓收獵之事唐書

虞衡之守

蒐苗以時澤梁有禁虞衡之守所以遂嘉生南齊豆擬制

工部分掌

都水監都水

○舊水部

歷代沿革

後周冬官有司水中大夫有司水上士隋文帝有水

部侍郎煬帝改承務郎唐復故龍朔改司水大夫咸亨隨曹

改復宋水部無所掌元設都水監都水一員並隸工部

羣書要語

川衡掌巡川澤之禁令周禮

詩省中官最美無似水曹郎李餘慶



古今事實

掌津濟運漕

唐郎中員外郎掌津濟船艦渠梁隄堰溝洫漁捕運漕碾磑之事唐書

工部公署  
唐郎中員外郎掌津濟船艦渠梁隄堰溝洫漁捕運漕碾磑之事唐書

新編古今事文類聚新集卷之十七

南江

富大用

時可

編

金陵

唐富春

子和

刊

樞密院部

樞密院 行樞密院同

歷代公董唐代宗永泰中置內樞密使始以宦者為之初不置司局但有屋三楹貯文書而已其職掌惟承受表奏於內中進呈若人主有所處分則宣符中書門下施行而已永泰中宦官董廷秀參掌樞密事長慶中王守澄知樞密事舊左右軍容多入為樞密亦無視事之廳後僖昭時楊復恭西門季玄欲奪宰相權乃於堂狀後帖黃指揮公事此其始也後梁



革唐世官官之弊開平元年改樞院為崇政院唐莊宗同光元年復以崇政院為樞密院晉天福中以桑維翰知樞密院事四年廢樞密院以劉處謙兼樞密奏議多不稱旨又處謙丁內憂遂廢其院開運元年復置周顯德六年范質王溥並參知樞密院事宋樞密院與中書對持文武二柄號為二府太平興國四年以石熙載為樞密直學士簽書院事簽書之名始此淳化三年以張遜知院事温仲舒冠準同知院事同知院之名始此治平中以郭逵同簽書院事同簽書之名始此時陳升之三至樞府神宗欲稍異其禮乃以為知院元豐改官制議者欲廢密院歸兵部神宗曰祖宗不以兵柄歸有司故專命官統之互相維制不從然以密院聯職輔弼非出

使之名乃定置知院同知院二人專以兵機軍政為職元豐置樞密院掌凡武備機密之事有樞密使同知又有副使簽書院同簽書其屬有判官經歷都事照磨管勾等職在外又置行樞密院有副使始以下諸職皆同

**羣書要語**樞密院掌天子之機務及天下邊境軍馬之政令會要宥密之府總樞密於萬微王禹稱制樞密靖密王曾制聽解神機之劇小畜集典温省之務胡文恭行王疇妻制仍冠中樞温公撰潞公碑宜冠讎於樞省王岐公集天極環樞神兵會府文彦博制北樞之躔覽典神務賜張耆詔擢贊上樞回蔡樞密旋冠謨於宥省贈魯公亮批劄樞要之司六一集密勿之司楊文公表樞使知院典機務掌兵政出納密命以佐邦治續會要



知院掌佐天子執兵政同上宜總鴻樞溫公集丹地廻翔便總

萬機之任歲表類

**詩曰**惟仲淹弼一夔一契天實贊予其敢忽曰衍汝來汝予

黃髮遂長樞府兵政無蹶予早識琦琦有奇骨可屬大事重厚

如勃石徂徠聖德詩

**古今事實**

天樞

後漢皇帝紀注春秋運斗樞北斗第一天樞第二天璇第三璣也

西樞

熙寧二年詔曰國家以西樞內輔翊贊本共任為重矣

專掌兵籍

李綱除知樞密院奏云祖宗之法樞密院事掌兵藉虎符三衙管軍諸路帥臣主兵柄各有分守所以維持軍政萬世不易之法也傳信錄

專統兵機

李綱以右丞相命樞密奏云伏蒙聖恩除知樞密院事以被命鴻樞專統兵機宜得魁奇英偉之人以居其任同上

三省聚議

常事密院自行至涉邊則三省聚議謂之開南廳呂源明堂塾記

三省同議

神宗改官制大事三省共密院同議進呈畫旨稱三省樞密院同奉聖旨三省官皆同簽付樞密院行之小事獨取自行訖關



三省每朝三省樞密院先同對樞密退待於殿廡三省始留進呈三省事退樞密院再上進呈獨取旨遂為定制同前

呈本院事

施大資點與樞密周公呈本院事上曰適來一事卿等各陳所見甚關朝廷大體公復奏曰臣蒙陛下擢用愧素冷蠱蒙聖訓敢不竭股肱之力言行錄

爭西府事

韓魏公曰慶曆中王希文彥國同在西府上前爭事議論各別下殿各不失和氣如未常爭也當時相善三人正如推車上蓋其心主於車可行而已不為已也魏公別錄

發宣頭帖

郭崇韜安重誨為樞密使始分領政事不由中書直行下者謂之宣如中書之勅小事則發頭子擬堂帖也至今樞密院用宣及頭子家塾廣記

陳朝廷體

見呈本院事

周知世務

李諮字仲詢謚憲成嘗知樞密院事諮性明達周知世務處劇若閒暇在樞府抑僥倖號為稱職東都事畧

召問治要

張忠定公熹字子公孝宗受禪召除同知樞密院事問為治之要公言內治乃可以外攘願詔百執事赴都省給札條具上大喜於是士夫欲言不能自達者織悉聞矣言行錄



托以腹心

呂公著復同知樞密院事神宗手詔曰顧在廷之人有可以托中外腹心之寄均皇家休戚之重無逾卿者可亟起視事

收之桑榆

呂公著拜同知樞密院事公著謝因奏曰臣老於闕外蒙陛下收之桑榆唯知拳拳納忠以報恩

權衡人才

呂公著好士出於天性士大夫有以人物為意者必問其所知所聞參覈以待上求上嘗謂輔臣曰公著之於人材其言不欺如權衡之於稱物也通畧

筆識諸將

劉忠肅公瑛字共父乾道三年擢同知樞密院公以本兵柄於諸將之能否不可以不周知乃自諸管軍統領官下至裨將佐日召二四人與語得其材用所宜輒筆識之以待選用晦庵文集

古今文集

雜著

上韓樞密書

蘇詢

太尉執事洵著書無他長及言兵事論古今形勢至自比賈誼所獻權書雖古人已往成敗之迹苟深曉其義施之於今無所不可昨因請見求進未議太尉許諾謹撰其說言語朴直非有驚世絕俗之談甚高難行之論太尉取其大綱而無責其纖悉盖古者非用兵決勝之為難而養兵不用之可畏今夫水激之



山放之海決之爲溝塍壅之爲沼沚是天下之人能之委江河注淮泗匯爲洪波瀦爲太湖萬世之不溢者自禹之後未之見也夫兵者聚天下不義之徒授之以不仁之器而教之以殺人  
之事夫惟天下之未安盜賊之未殄然後有以施其不義之心用其不仁之器而試其殺人  
之事當是之時勇者無餘力智者無餘謀巧者無餘技故其不義之心變而爲忠不仁之器加之  
於不仁而殺人之事施之於當殺及夫天下既平盜賊既殄不義之徒聚而不散勇者有餘力則思以爲亂智者有餘謀則思以爲效巧者有餘技則思以爲詐於是天下之患雜然出矣蓋  
虎豹終日而不殺則跳踉大叫以發其怒蝮蝎終日而不螫則噬齧草木以致其毒其理固然無足怪者昔者劉項奮臂於草

莽之間秦楚無賴子弟千百爲輩爭起而應者不可勝數轉關  
五六年天下厭兵項藉歿而高祖亦已老矣方是時分王諸將  
改定律令與天下休息而韓信黥布之徒相繼而起者七國高  
祖歿於介冑之間而莫能止也連延及於呂氏之禍訖孝文而  
後定是何起之易而收之難也劉項之勢初若決河順流而下  
誠有可喜及其崩潰四出放乎數百里之間拱手而莫能救也  
嗚呼不有聖人何以善其後太祖太宗躬環甲冑跋涉險阻以  
斷列四方之蓬蒿用兵數十年謀臣猛將滿天下一旦卷甲而  
休之傳四世而天下無變此何術也荆楚九江之地不分於諸  
將而韓信黥布之徒無以啓其心也雖然天下無變而兵久不  
用則其不義之心蓄而無所發飽食優游求逞於良民觀其平



居無事出怨言以邀其上一旦有急是非人得千金不可使也  
往年詔天下繕完城池西川之事洵實親見凡郡縣之富民舉  
而籍其名得錢數百萬以為酒食餽餉之用柝聲未絕城輒隨  
壞如此者數年而後定卒事官吏相賀卒徒相矜若戰勝凱旋  
而待賞者比來京師遊阡陌間其曹往往偶語無所諱忌聞之  
士人方春時尤不忍聞蓋時五六月矣會京師夏大水鋤犁春  
築列於兩河之壩縣官日費千萬傳呼勞問之聲不絕者數十  
里猶且眴眴狼顧莫肯效用且夫內之如京師之所聞外之如  
西川之所親見天下之勢今如何也御將者天子之事也御兵  
者將之職也天子者養尊而處優植恩而取名與天下為喜樂  
者也故其道不可以御兵人臣執法而不求情盡心而不求名

出死力以捍社稷使天下之心繫於一人而已不與焉故御兵  
者人臣之事不可以累天子也今之所患大臣好名而悞謗好  
名則多植私恩悞謗則執法不堅是以天下之兵豪縱至此而  
莫之或制也頃者狄公在樞府號為寬厚愛人狎昵士卒得其  
懽心而大尉適承其後彼狄公者知御外之術而不知治內之  
道此邊將材也古者兵在外愛將軍而忘天子在內愛天子而  
忘將軍愛將軍所以戰愛天子所以守狄公以其御外之心而  
施諸其內大尉不反其道而何以為治或者以為兵久驕不治  
一旦繩以法恐因以生亂昔者郭子儀去河南李光弼實代之  
將至之日張用濟斬於轅門三軍股慄夫以臨淮之悍而代汾  
陽之長者三軍之士竦然如赤子之脫慈母之懷而立乎嚴師



之側何亂之敢生且夫天子者天下之父母也將相者天下之師也師雖嚴赤子不敢以怨其父母將相雖厲天下不敢以咎其君其勢然也天子者可以生人可以殺人故天下望其生及其殺之也天下曰是天子殺之故天子不可以多殺人臣奉天子之法雖多殺天下無以歸怨此先主所以威懷天下之術也伏惟太尉思天下所以長久之道而無務一時之名盡至公之心而無恤二軍之多言矣天子惟深仁以結其心太尉厲威武以振其墮彼其思天子之深仁則畏而不至於怨思太尉之威武則愛而不至於驕君臣之體順而畏愛之道立非太尉吾誰望耶

上黃樞密書

朱晦庵

竊聞虜酋隕命種人遁走淮北遺民悉降我師此蓋天命眷顧宗廟社稷之靈肅清中原以全界付莫大之慶海內同之然嘉之愚慮獨不勝私憂過計敢以布於下執事蓋自戊午講和以至於今二十餘年朝政不綱兵備弛廢國勢衰弱內外空虛近歲以來天啓聖心稍加振理時復漸有條緒然宿弊已深非得同心同德之臣素為海內所屬望者為之輔佐進賢退奸條滯補弊要之以盡而持之以久使其勢翕然而大變則未可以有為也前自不量事勢亟下親征之詔則既失之易矣然理直言順庶幾有成事同發機有進無退而曠日引月不聞進發之期任國政者不聞有寇患愍之謀典宿衛者不聞有高武烈之請使諸將惰心六軍解體虜騎橫突深入兩淮兵少而敵益驍急



而糧已匱於是戒嚴未及兩月而募兵科借之禍已及民矣向  
非天佑皇家降罰于彼則勝負之決蓋未可知今日之事其不  
可謂諸公謀於廟堂之效羣帥攻城野戰之功亦已明矣愚謂  
君臣相戒兢慎祇肅政圖柄任益脩政理以谷揚上天眷顧之  
命不殖坐虞鄰國之難以幸為利而遽自以為安也抑今中原  
之地幅員萬里虜人奔走震駭之餘力未能爭朝廷坐視而不  
取非以計取之則功緒廣而勞費多此正安危得失之機差之  
毫釐繆以千里不可以不審也熹切以為必能因其人以守因  
其糧以食使東西之力不因然後根本固而不搖必有以大慰  
其來蘇之望以深結其同濟之心使西北之情益堅然後藩籬  
密而可恃必使虜人他自痛定力全之後不能復窺吾盧龍之

塞然後朝謁陵廟還反舊京之事乃可言也不然今日朝廷之  
上侍從之列誰為能辦此者獨舊人之賢起而未用者一二公  
使之出則重於今日視師之人授之政則賢於今日秉鈞之士  
獨恐朝廷終不聽用則無如之何耳矣今不早為計虜人土馬  
精強固未有損今茲所失獨元顏亮一夫耳萬一旬月之間復  
悉其衆挾其喪君之耻以來脩怨于我不知朝廷之議復以何  
計禦之歛民則民憔悴而不堪募兵則兵脆弱而無用將據中  
原而與之爭則形勢未習將棄中原而守淮泗則恢復無期不  
知議者何以處此苟處之未審而曰姑徐徐以待天幸之來則  
非愚之所敢知者是以私憂過計夙夜拳拳而不能已也願衰  
病之餘氣短辭拙不能言利害之實然其大要不遠是矣閣下



以道學履踐致身廟堂在諸公間最有人望故熹敢以此言進  
觸冒威尊皇恐無地狂妄之罪惟左右者裁之

古詩

王樞密朴

王禹偁

西樞經緯才慷慨遇真主文學中甲科風雲參霸府直躬在密  
勿未始畏強禦凭几案讀古書箕踞視太相澤欲浸生民休將還  
遂古拆寺過武宗排佛如韓愈畫髮羣苾芻使之藝禾黍兵威  
遂強盛人力不耗蠹世宗征淮南委任當留務馬前拜侯伯階  
下列椹芥吐咤氣生風將校汗如雨手築太平基胼胝不輟杵  
具瞻人有望衰運時不與云世豈乏賢良材難具文武曆象  
過穢和文章敵燕許可能隨衆人冥冥歸塵土

樞密使

歷代公董唐初延英宰相奏事樞密使立侍得預聞五代後唐  
初以宦者為之後梁始兼用士人晉天福四年廢樞密院開  
運元年復置周亦有之宋初魏仁浦以宰相兼樞密使建隆  
三年以樞密副使兵部侍郎趙普為檢校太保充樞密使不  
帶正官自普始也又以宣徽北院使李處耘為南院使兼樞  
密副使自五代以來凡樞密院官皆文武兼用大中祥符七  
年以王嗣宗曹利用並為檢校太保充樞密副使亦不帶正  
官開寶九年以曹彬為樞密使領忠武軍節度使樞密帶節  
度自此始也至道二年以鎮海軍節度曹彬兼侍中充樞密  
使彬自節鎮入秉旌鉞太平興國六年以樞密副使石熙載



為戶部尚書文樞密使以文資正官充使自此始也太中祥符五年以知樞密院王欽若陳堯叟同中書門下平章事充樞密使儒臣為樞使兼使相自此始也皇祐五年制以樞密使高若訥為尚書左丞觀文殿學士兼翰林侍讀學士同郡牧制置使故事罷樞密使當學士院降麻及若訥罷但令舍人草詞遂以為例元豐官制行罷使副紹興七年詔有密本兵之地事權宜重可依故事置樞密使副使開月詔宰臣兼使同月詔樞使立班序並依宰相例乾道五年以虞允文為樞密使立班恩數並依宰臣亦置樞密使

詳見樞密院門

羣書要語自贊叢於袞職宜總領於星樞王隨制置使典樞本

兵總務胡文恭制法樞置弼陪幄議兵同上召置法樞付界太

柄批卷宋庠表位登樞宥之冠蘇魏公集顯膺制命首贊樞庭

六一集尚虛黃閣之居始建紫樞之位光膺制命登贊國機

並同上頃陪讓於宰塗旋冠讓於宥省歲表類導上帝之命象

在北樞本天下之兵侔于台府參裨四輔冠領萬樞並同上

位冠中書除文彥博制

古今事實

降麻閣門

唐僖宗乾符六年以李順融為樞密使降白麻於閣門出案與將相同通鑑

宣麻公朝

事文類聚新集卷之二十一



舊例樞密使未嘗使相皆不宣麻至周太祖初蒞歷試是任乃宣制於公朝今之宣麻自周太祖始續翰林志

東院行印

後唐樞密使凡東西院二員宋朝亦東西院但行東院印會要

殿西僚旨

唐大中故事對延英用中尉先降樞密使僕旨殿西宰相奏事畢案前受事

號稱一府

樞密使宋朝首命趙韓王普時號稱一府禮遇無間每朝奏事與中書先後上所言用不相知祖宗亦賴此以聞異同用分宰相之權會要

典掌萬機

太平興國八年王顯元樞密使上召謂曰卿代非儒門必寡學問今在朕左右典掌萬機固無暇博覽群書命左右取軍戒三篇賜之曰讀此則可以免面墻矣同前

位極人臣

莊宗朝郭崇勳為樞密使崇勳既位極人臣權兼內外謀猷獻納必盡忠規士族朝論頗以收獎人物內外翕然稱之五代史

權侔宰相

梁之崇政使乃唐樞密之職蓋出納之任也至梁始用士人其備顧問參謀議于中則有之未始專行於外也至世宗專事誨為之始復唐樞密之名然權侔宰相矣後世因之遂分為一文



事任宰相武事任樞密安重誨傳

百度浸理

晉復置樞密院以桑維翰為使事無巨細一以委之數月之間  
百度浸理五代史

諸軍真畏

周太祖之將鎮鄴也蘇逢吉請落樞密使曰樞密之任方鎮帶  
之非便史洪肇曰兼帶樞密所冀諸軍真畏逢吉曰此國家之  
事也且以內制外則順以外制內豈得便耶事雖不從物議之

周知四方

曾魯國宣靖公公亮字明仲拜樞密使公在政府修紀綱除弊  
事裁損冗兵又更制圖籍以周知四方兵數登耗三路屯戍疆

地理遠近言行錄

不錯一事

王文定公召拜樞密使公在右府憂邊思職動中機會江西賴  
文政郴寇陳峒李接之變淮陰劫寇等公應酬羽書號令賞罰  
明審平當上亦稱其毫釐不差樞密錢良臣語公曰近郭隸嘗  
云蒙宣諭王樞使在西府數年不曾錯一事樓攻魏集

汰兵為民

龐穎公籍為樞密使以近世養兵之弊多而國用困竭於是大  
加簡閱揀放為民者六萬餘人減其衣糧之半者一萬餘人邊  
儲由是稍蘇焉言行錄

戒軍掠錢

事文類聚新集 卷之十七 十一



郭崇韜為樞密從魏王平蜀大軍入西川城戒諸軍剽掠法令嚴峻估一錢必論之以法市不改肆

宣撫使惟卿

周文忠公必大除樞密使上曰卿在西府備殫忠勞若有邊事宣撫使惟卿可他人不能也言行錄

兵權付卿

韓世忠除樞密使上謂世忠曰朕付卿等以樞府本兵之權甚大卿宜合為一心勿分彼此則兵功全而莫之能禦顧如不木者又何足掃除乎同上

改詔救濫

張居翰同光中為樞密使僞蜀王衍既降詔遷其族於洛陽時

關東已亂莊宗慮衍為變遣中官賁詔殺之詔云王衍一行並宜殺戮其詔已經印書時居翰在密地覆視其詔乃措去行字改為家字及衍就戮止放其家近屬而已其僞官及從行者尚千餘人皆免其枉濫居翰之功也

獻財助賞

郭崇韜為監脩國史兼樞密使初崇韜收汴洛稍通賂遺親友或規之崇韜曰余備位將相祿賜巨萬但僞梁之日遺賂成風今西方候藩多梁之舊將皆吾射鈎斬祛之人也一旦革面化為吾人堅拒其請得無慎乎及裡郊崇韜悉獻家財以助賞給

朝服侍上

唐昭宗初即位有事于園丘宿示于武德殿時兩中尉兩樞密



皆朝服侍上

公服危坐

曹武惠主彬帝前密論天下事無不合上意而公堂會議如不能言太祖益所器重在宥密嘗公服危坐如對君父接小吏亦以禮未嘗以名呼歸私第唯閉閣宴居不妄通賓客一鼓方罷已待漏禁門矣雖霜雪不易其操如此者凡八年同上

爭事上前

慶曆二年杜衍為樞密使范仲淹出衍門下時為參知政事數爭事上前衍無愠色而仲淹益敬服之東都事畧

親賜隸字

夏竦為平章事臺諫交言其非改樞密使上親隸恭儉二字賜

之又賜文行忠信四字以勉之同上

虜使謂得人

王德用武臣也仁宗朝再入樞府為使是時富弼偕契丹使來德用伴射使者曰天子以公典樞密而富公為相可謂得人矣長編

天下望為相

田况拜樞密使天下顛顛望為宰相以致太平

不按匿名

長興三年邢州汝州成兵還見訖於殿庭遺下匿名書論本指揮元霸率欽人錢物帝冷張從賓按問樞密使范延光奏曰匿名文字准格不治禁訟端也不宜按問乃止



請定常例

大中祥符中詔樞密使帶檢校平章事者不告引止於本廳贊  
喝時王欽若陳堯叟上言請定常例先是曹彬以樞密使兼相  
不告引故止用彬例

厨中賜食

宋朝之制太宴樞密副使不坐侍立殿上既而退就御厨賜食  
與閣門引進四方館使列坐廡下親王一人伴食每春秋賜衣  
問謝則與諸司使副班于庭中故朝中為之語曰厨中賜食階  
下謝衣

道中奪印

曹利用天禧二年為樞密使後拜為鄆國公退朝歸私第道中

有狂人奪其印以為不祥未幾以姪訥所累而貶死天下寃之

帳卧召問

莊宗即位郭崇韜為樞密院使時李紹宏請棄鄆州與汴人盟  
以河為界莊宗不悅獨卧帳中召崇韜問計崇韜曰陛下親御  
六軍長驅倍道直指大梁汴城兵望風自潰既若偽主授首賊  
將自然倒戈半月之間天下必定莊宗蹶然而興曰正合吾意  
莊宗入汴皆崇韜之謀也

笏擊罷出

張耆初以恩幸為樞密使時晏殊為樞密副使上言耆初無他  
才能徒以恩幸遂極寵榮天下有私狗非才之議忤太后旨坐  
以笏擊僕出守南京上雖知其不當罷然不得已乃曰他日朕



當大用之終以為相

會議俛睡

房昂與趙延壽同為樞密使時薛文遇劉延助居中用事其聽用之言十不得三四但隨勢可否不為事先每朝廷議事昂與學士等環坐會議多於眾中俛首而睡其避事如此

讀奏不曉

五代後唐明宗不知書每四方章奏令樞密使安重誨讀之重誨多不曉文義

古今文集

雜著

除富弼樞密使制

范鎮

兵布于天下而至眾故統之有本先謀出於堂上而無窳故資之於明哲是以基於靜密式暢遠猷始乎幾微能成大務若時付畀茲謂劇艱前推恩協謀同德守正佐理功臣特進行禮部尚書同中書門下平章事昭文館大學士上柱國河南郡開國公富弼文武相資柔剛並適誠貫金石材隆棟梁往在先朝嘗為上宰至言無隱精慮有闕方國計之是毗以親喪而遂去况夫西漢而下巨唐以還訖于本朝凡厥公相率就起復以為權宜而卿因執禮經懇辭恩詔二年始事四海具瞻再炳台符之文兼崇樞極之任重倍多賦庸示褒章於戲天命甚難神聖至重始初續紹正賴經綸幸元老之聿及借眾賢之同濟庶幾涼德罔累慶圖



除文彥博樞密使賜功臣制

王珪

天極環樞。上通帝位之紀。神兵會府。內嚴師律之謀。朕方垂講  
 不平。進德常武。雖天下無事。思備禦之不敢忘。蓋王者有征視  
 安危之不敢忽。適登髦傑。資以輔予。具官某。器閎而深。材敏以  
 濟。早貴賢人之業。實膺聖考之知。以忠孝之名。形家國之盛節。  
 以文武之畧。輯將相之大猷。肆筵命於皇圖。乃離憂於喪紀。迨  
 終哀戚。甫見儀形。屬疆事之方興。煩師旄之載舉。折衝境外。方  
 將出。愴於王靈。收畫幄中。曷若坐圖於廟勝。宜長機廷之務。置  
 符巖石之瞻。於戲。過任北戎。未厭貪驕之志。再盟西夏。猶苞狂  
 忽之圖。終佇奇勳。用恢遠馭。

代汪樞密辭免表

汪藻

入參廟算。方俟黜幽。進長樞庭。更叨圖舊。仰荷褒揚之過。實深  
 盈滿之憂。敢布腹心。仰干旒扆。中謝臣竊以聖主之用人也。必  
 量其材之所至。忠臣之事主也。先度其力之所堪。故為之上者。  
 靡傷知人之明。為之下者。得逃曠職之累。一失此道。兩乖厥宜。  
 如臣者。初乏經綸。持錄遭遇。一紀服周行之末。一朝居多土之  
 先。昨叨近弼之除。已過平生之望。豈有方更於晦朔。居然躡次  
 於鈞衡。雖至無知。敢忘宵揣。伏望皇帝陛下。以隆寬覆物。以獨  
 斷馭臣。知愚誠。蓋出於由衷。於成命。何嫌於及汗。別求賢佐。共  
 圖宏濟之功。無使孤蹤。益重疾顛之禍。

謝表

汪藻

本柄于中。又汗樞機之地。進班其首。更叨綸綍之恩。蒙眷獎之



非常私瑣材而不已。安危所繫，榮懼交深。中謝伏念臣生江湖之鄉，非膺廟之器，偶扞防於牧圉，蒙記錄於旻旒。當此與無文武之材，有慙吉甫，乃一見受腹心之寄，自比留侯，荐膺推擇之榮。遂處嚮諸之任，謀衆惟幄，職總韜鈴，永言國步之中，方賴廟謨之勝。外有交侵之強，虜內多竊發之姦，民兩河未復，於輿圖二聖尚勞於岳狩，非兵莫濟，得士斯昌。豈伊童句之腐儒，堪此朝廷之大任。茲蓋伏遇皇帝陛下，治先稽古，志在宅中，躬堯舜之仁，雖欲濟民於富壽，據高文之憤，不忘克己於憂勤。詳延左右之臣，猥及下中之品，臣敢不兼收羣策，務究遠猷。念國家嘗瞻之憂，適當今日，豈臣子捐軀之報。或後古人。

代汪副樞辭免表

汪藻

聖神有作，方收海內之人。豪傑薄何功，遽本朝廷之兵柄。顧超踰之已甚，雖庸庸以知辭。中謝竊惟樞筦之司，實鈞衡之任。唯時初載，順信獲助於天人。宜帝遠圖安危，注意於將相。倘以小人而大受執宣，元老之壯猷如某者，生本寒鄉，出陪多士。早從外補，甘心簿領之勞，浸齒周行，敢意功名之會。昨屬齋夷之謀，夏猥承明詔，以臨州內撫三軍，雖無奇策，外乘一障，僅守故封。會帥募之肇，開總兵符而入侍，扞防牧圉，踐履山川，遠九五御圖之初，預三千同德之列。負羈縲而巡天下，自知罪戾之多。聽鼓鼙而思將臣，敢幸搜揚之及。既委腹心之寄，仍加體貌之優，非不願榮，懼終速誘。伏望皇帝陛下，特垂淵聽，俯諒危衷。收渙汗之誤恩，責捐軀之後效。義非所處，雖匹夫不可以利回情。



有可矜在明主固容於理奪餘見樞密院類

樞密副使

歷代沿革五代梁崇政院置副使一人周末關宋建隆中始以樞密直學士趙普及宣徽北院使李處耘等兼樞密副使自五代以來凡樞密院皆兼用文武大中祥符七年以王嗣宗曹利用並為檢校太保充樞密院副使不帶正官元樞密院有樞密使及副使行樞密院則只自副使始

古今事實

有宰輔才

諫官歐陽脩余靖蔡襄咸言樞密副使范仲淹有宰輔才豈不宜局在兵庭上從其請以仲淹參知政事長編

有公輔器

韓琦初罷相上問誰可以為執政者公力薦韓絳忠直有公輔之器上遂用為樞密副使既而有排毀絳者上曰韓琦之去惟薦此人朕豈可違言行錄

士民相慶

呂正獻公公著拜樞密副使初自河陽入朝都人環視相謂曰此公還朝百姓之幸也至是士民相慶既受命出殿門武夫衛卒皆歡抃咨嗟言行錄

士夫相賀

慶曆初元吳納款遂召韓琦范仲淹為樞密副使天下聞之士夫皆酌酒相賀曰上用韓琦仲淹非惟社稷幸乃天下生民之



幸長編

持法守正

王文忠公堯臣為樞密副使持法守正以身任天下事凡濫恩  
俸請各隨其事其事可損損之可絕絕之至其大者皆著為定  
令在位六年廢職修舉皆有條理

止律去弊

富弼除樞密副使宗責成於公開天章閣給筆札使書其所欲為  
遣中使二人更督之公主北事上當世之務十餘條又自上河  
北守邊十二策六畧以進賢退不肖止僥倖去宿弊為本欲漸  
易諸路監司之不才者使澄汰所部吏於是小人始不悅矣  
議差役弊

熙寧中韓絳遷樞密副使神宗問天下遺利公對求遺利莫若  
盡地方退具疏以謂害農之弊莫甚于差役請委臺諫侍從

補邊防闕

歐陽公脩為樞密副使公在兵府與魯魯公取天下兵數及三  
路屯戍多少地理遠近更為圖籍凡邊防久闕屯戍者必加蒐  
補長編

却偽蜀獻

沈義倫為隨軍轉運使入成都獨居僧寺蔬食偽蜀有以珍寶  
為獻者皆却之東歸總圖書數卷上聞其清簾擢為樞密副使  
長編

辯轉運誅

事文類聚新集

卷之二十一

七



李繼隆與轉運使盧之翰有隙遂奏轉運乏軍糧太宗怒召中使付三函令取之翰及其人首丞相呂端不敢言樞密副使錢若水爭之請先驗有狀然後行法上大怒拂衣起入禁中二府皆罷若水獨留廷中上既食久之使人偵視廷中有何人報云有細瘦而長者尚立焉上出詰之曰朕所以擢任以爾為賢爾乃不材如是耶尚留此安俟對曰陛下不知臣無材使得待罪二府臣當不避死以報厚恩李繼隆外戚貴重莫比今陛下據一幅奏書誅三轉運使雖有罪天下何由知之翰驗事狀明白加誅何晚焉上意解乃召呂端等奏請如若水議先令責狀三人皆黜為行軍副使言行錄

奏事盡言

韓琦為樞密副使兩府合班奏事琦必盡言雖屬中書琦亦對上陳其實同列尤不悅上獨識之曰韓琦性直

阿意希旨

王洙臨事明察有通時之用頗苛碎深刻不以至誠待人能阿意希旨以自固祿位與張齊賢同任樞密副使頗不協

古今文集

雜著

除歐陽脩樞密副使制

王疇

夫詩美吉甫以有文武故賢特之士無施不可朕惟天下之重兵本之寄委于廊廟之臣責其講畫之用則待遇之意付畀之際敢不慎乎苟非材英豈易圖任其官其學通古今之宜性符



履道之直議論明正懷負高爽久居禁近之從屢更中外之事  
選所踐試悉著聲實今樞筦之地籌勝是經擢貳太猷適踞休  
績惟公忠可以成務惟寅亮可以就功往其慎哉無廢朕命

辭樞密副使表

歐陽脩

成命始行驟驚於衆聽撫心增懼曾莫以自容臣某中謝竊以  
樞要之司朝廷慎選出納惟允實贊於萬機禮遇均隆號稱於  
二府顧任入之得失當繫體之重輕苟非其材所損不一伏念  
器能甚薄風力不強少喜文辭始浮華而少實晚勤學古終迂  
濶以自愚而自遭逢盛明擢在待從間嘗論天下之事言出而  
衆怨已歸思欲報人主之知智短而萬分無補徒措危躬於禍  
咎每煩聖造之保全既不適於時宜惟可置之閑處故自叨還

禁署逮此七年屢乞方州幾于十請歷愚誠之懇至被明詔之  
丁寧惟大度并包猥荷優容之賜而群賢在列敢懷希進之心  
豈謂伏遇皇帝陛下急於求人思以濟治因柄臣之竝選矜舊  
物以不遺而致遠之難力不勝者必速其覆量材不可能自知  
者猶得爲明敢冀睿慈察其迫切俾回渙渥更選雋良如此則  
器不假久各適賢惠之分物皆知報何勝大馬之心

謝樞密副使表

歐陽脩

右樞虛府充位宜求於雋賢多士盈庭誤選乃先於庸妄既牢  
辭之靡獲徒以寵而爲憂臣某中謝伏念臣少本賤愚初無志  
慮爲小人之事力不勝於負薪程有司之文學止期於子祿過  
被仁恩之樂育早從英俊之竝遊遂叨待從之流久玷論思之



地方時求治殆無補於分毫顧質早衰况漸凋於齒髮但思藏  
 縮敢望甄陞矧惟贊萬事之機必也極一時之選豈容濫得猥  
 以備員當命令之始行方惶惑以失措而睿恩至渥召旨其嚴  
 莫謂懇避之誠徒負貪榮之愧此蓋伏遇皇帝陛下廓天地之  
 量垂日月之光憐樸直之無他謂疲駑之可免俾承闕之以效  
 拙勤臣敢不奮勵無能之姿感激難遇之會職思以任庶免於  
 曠官謀不以身少期於報國

律詩

賀蔡副樞平羌慶捷詩

王介甫

城郭明王據兩陞軍前一日送降旗羌兵自此無傳箭漢甲如  
 今不鮮累幕府上公聯舊代朝廷稱慶具新儀國家道泰西戎

喙還見詩人詠申夷

簽書

歷代公董宋太平興國四年石熙載元懿公以樞密直學士簽

書院事簽書之名自此始也八年張齊賢王沔竝以右諫議  
 大夫簽書樞密院事景德三年韓崇訓檢校太傅馬知節為  
 檢校太保竝簽書樞密院事天禧四年以華州觀察使曹瑋  
 為宣徽北院使鎮國軍留後簽書樞密院事簽書兼藩鎮自  
 此始也元豐官制行使副簽書悉罷元祐初復置簽書樞密  
 院事初除皆帶密直及罷政乃拜端明殿學士王彥霖劉仲  
 馮靖康初李回首拜延康殿學士簽書延康今為端明自是  
 遂為故事元詳見前樞密院

事文類聚新集

卷之十七

二四



古今事實

無正負

簽書無正負為使之貳續會要

不次用

王巖叟元祐六年拜簽書樞密院入謝延和太皇太后諭曰知君才望故不次進用公遜謝而退曰願陛下用人之際更加審察邪正難辨辨之少差治亂所係正人在朝則朝廷安邪人一進則朝廷便有不安之象聖深然之言行錄

訪備邊事

馮拯簽書樞密院真宗訪以邊事拯以為備邊之要當須扼襟喉據險隘以制敵之衝若於保州威虜間依徐河以布陳暴糧

其勢足以決勝事畧

建中興議

權邦彥字朝美紹興間公在樞筦知無不言言無不盡謂坦乘機者三又建中興之議言行錄

學士簽書

太平興國四年石元懿始以樞密直學士簽書院春明退朝錄

檢校簽書

景德三年馬正惠以檢校太傅韓公崇訓以檢校太保並簽書樞密院事又王德用字元輔累任拜檢校太保簽書密院事會要

諫議簽書

興國八年張齊賢王沔並以右諫議大夫簽書樞密院事同上



端拱元年以內客省使楊守一為宣徽北院使簽書密院事同

古今文集

雜著

辭免簽書樞密院事劄子

樓鑰

惕聞渙溼俯震危衷伏念臣三際聖君四汗朝蹟任其平進惟  
義命之是安心實靡他以樸忠而自立頃嘗去國本為奉親置  
散技閑又作山林之計匪敢貪垢率由天地之仁雖屢遭摧剝  
之餘終不至排根之甚茲逢更化首辱召還既叨長於六官且  
悉歸於衆職置為過分何敢僥求况已越於縱心比再祈於納  
祿不圖睿眷擢遙樞臣典選固難尚能自勉本共尤重安得冒

居寵加秘殿之名兼預儲寮之列誤恩下逮群聽皆驚殊非  
迹之所堪抑亦多言之可畏伏望皇帝陛下收回成命改異  
髦俾仍獻納之班馴遂退休之志倘獲免妨賢之誦庶不累知  
人之明

辭免簽書樞密院事表

樓鑰

誤恩下逮俾綴通聯遜牘上陳未頌俞旨仰具蓋高之聽不  
再瀆之煩中謝洪惟累朝特重右府豈獨為三軍五兵之本抑  
使聞一日萬幾之徵才則甚難官何必備顧愚臣之無取荷上  
意之深知起之掛冠間廢之餘處以持橐清華之舊強顏淺  
告老未諳尚不堪朝夕之論思何以禪夙夜之宥密進寓承明  
之直更列元良之賓掃已奚堪逾涯莫甚欲效皇帝陛下俯



淵鑿洞察忱衷念已迫於桑榆蓋居閑地倘未遺於簪笏姑真  
從班別求經濟之材以翊昇平之運

謝簽書樞密院事表

樓鑰

銓部爲直猶未經於浦歲機廷遣貳乃遽辱於頒恩逕避靡違  
周章增惕中謝竊以官莫崇於執政職無重於本兵必求文武  
之全材以任國家之重事邊隅甫定尚勤宵旰之憂邦域以寧  
允藉弼諧之助豈應疲瘁可與幾微如臣者資實庸儒任叨沐  
從由父司於封駁故多積於怨仇十載歸閑仰戴乾坤之施一  
朝收名復觀日月之明不堪聽履之華復上垂車之請敢期誤  
渥俾贊洪樞血氣既衰止合奉身而去軍旅未學曷知基命之  
嚴玷書殿之清班奈儲局之下客被繡轡於上駟束銀帶以襲

衣來食有加寵榮已甚茲蓋伏遇皇帝陛下人惟求舊政務圖  
新謂代言於受禪之初未忘孤迹迨趣遠於更化之始深閱周  
年豈云術業之可稱蓋自眷私之過厚遂容僥倖倍切凌兢臣  
敢不深感隆恩愈堅晚節老當益壯固欲殫報主之忠耄夫無  
能終恐負知人之鑒

同簽書

古今事實

始於治平

樞密院舊制無同簽書樞密院事者治平始以郭達爲之神宗  
正史職官志 治平二年命郭達以宣徽使爲同簽書樞密院事  
長編



諫議同簽

太平興國八年張司空齊賢王公沔並以諫議大夫同簽書樞密院事春明退朝錄

處資淺才

簽書大抵以處資淺之人若簽書一經親祠方進同知及樞副若武臣擢預國政只除同簽書職源

舊都承旨

都事

歷代公董都事舊無其官宋樞密院有都承旨以其職也蓋自太平興國中以楊守一充都承旨都承旨自守一始是時都承旨多用士人真宗後稍稍遂用吏人歐陽脩建言請復舊

制不克行熙寧二年始以東上閣門使李誥為樞密都承旨不用院吏而更用士人自誥始也熙寧五年以尚書比部員外郎集賢校理司脩起居注曾孝寬為起居舍人充史館脩撰兼都承旨先是或用士人亦止於右職中選用文館兼領自孝寬始也元豐三年用張誠一為客省使都承旨自是都承復用武臣元祐中復以文臣帶待制充都承旨至崇寧以後則專用武臣矣紹興二年權禮部侍郎趙子書充徽猷閣待制密院都承旨自改官制後除大臣自子書始建炎四年高宗在會稽以武臣辛道宗為都承旨頗用事紹興元年十一月辛道宗既免乃詔依元祐職制置都承旨一員並差兩制為之樞密院可無都承旨而有都事之官名異而職則也



羣書要語宣納密命曲阜除范純禮制贊右府訂謨之微同上

樞機之地親承密旨雖在副介亦須得人曲阜除曹誘制陪輔

帷幄以承密旨除劉奉臣制右府管天下之機務而承旨佐佑

參總焉洪水除張誠一制

古人事實

掌宣密命

都承旨副承旨掌承宣密命通領院務若便殿侍立閱試禁衛

兵校則隨事敷奏承所得旨以授有司四朝志

檢察功過

都承旨從五品副承旨正六品通領院務及承百司之事檢察

主事以下功過而陞黜之凡御崇政延和殿則陞階侍立若禁

衛兵校試技藝及蕃國人見則隨事敷奏所得旨以授有司神宗正史職官志

請委疆事

王巖叟字彥林為樞密都承旨湖北諸蠻互出擾邊八專請以

疆事委荆南唐義問遂草檄文諭義問以朝廷方敦尚恩信勿

為傲倖功賞之意其後終底綏寧言行錄

為言邊防

洪文安遵兼樞樞密院都承旨公既以近臣兼承密旨邊防民

隱每為上言二衙春夏牧馬夏抵城仰給蘇湖秀三州適積水

涂田有司預請倍輸夏麥以補芻粟北唐宗劉孝恭等二百家

公皆執不可軍器利敝命公料簡公區別良窳眾謂非熟於軍

事又類彙所集 卷之十七 二七 兵部考



旅者不能也。上以是有大用意。周益公集

正文宜雷

劉安世作都承旨待制范相純仁之出由安世童疏已而復拜

呂相大防遂擬安世真定宣仁難之呂云劉安世曾言范純仁

今既復用宜少避之宣仁曰今既不作言事官自不相妨其後

樞密院奏事宣仁由前請韓師朴忠彥如呂之對宣仁曰如此

正人宜且留朝廷遂輟言行錄

文館兼領

熙寧五年以尚書比部員外郎曾孝寬充史館脩撰兼都承旨

文館兼領自此始

古今文集

雜著

樞密院員屬題名記

楊廷秀

此記為都承旨作其間以事其事不事其事反覆為言則今日  
建都事之職亦此意也中書樞密院曰二府國朝之制也亦因  
也樞密之屬曰都承旨副承旨曰檢詳曰編脩在祖宗時都承  
旨則曾孝寬韓縝檢詳則王存劉奉世編脩則顧臨錢長卿皆  
其選也中興損益至今曰都承旨檢詳各一員編脩二員蓋六  
十年矣而壁記未立今都承旨李公昂圖乃克為之屬某記焉  
士之言曰樞屬與宰屬異劇與暇也暇者無事乎爾也樞屬無  
事乎爾耶無是事無是官有是官斯有是事矣有是事則必事  
其事其事則不暇矣曰暇者無乃不事其事而強委之曰無



事乎。事其事以樞屬之職是乎未也。等而上之曰使曰副曰知院曰同知曰僉書曰同僉書其號殊其建不並其為長貳均也。建其長又建其貳又建其屬者何。上表遺下之禪也。下無以禪其上而曰吾惟事其事足也可乎。古者工以藝諫，氓蠹以士師諫，工與士師非諫職也。然事君之誼有非職者乎。無也。而為樞屬顧曰吾暇無事也。否則曰吾事其事足矣。否則曰吾禪其上足矣。至於事君之誼則曰思不出位。又曰不知守官。外乎此非吾職也。然則古之工與士師過矣。豈惟工與士師。孟子曰立乎人之本朝而道不行耻也。然則孟子亦過矣。其然乎不然。吾徒獨得而不思其職也。淳熙十二年五月三日廬陵楊某記。

新編古今事文類聚新集卷之十七

終



